

# Python!

Elohim het gesê,

**“Hierdie Gees is Heersend in My Kerk”**

WAARSÊERY – FAMILIÊRE GEES – GEESTEBESWEERDER  
GODSDIENSTIG – HOOGMOEDIG

Laat ek begin deur te sê dat die gees van vrees en woede redelik maklik is om te herken, maar dit geld nie vir die Python gees nie. Behalwe vir wanneer dit manifesteer as geestesbesweerder en ‘n paar keer as ‘n familiêre gees, het Python sy identiteit baie goed verberg. Aangesien dit op soveel wyses kan manifesteer, soos geestesbesweerder wat opgeroep moet word as ‘n “front” om te bedek wat werklik aan die gang is. Ek sal in hierdie skrywe getuig hoe Elohim my vertel het dat die Pythongees heersend is in Sy kerk. Die rede waarom hy so dominant is onder mense wat Elohim liefhet, is omdat ons nie herken het wie hy is nie, hoofsaaklik omdat ons onbewus was van sy karaktertrekke, sy doel en sy meganika.

Satan was uitgebeeld as ‘n slang in die Tuin van Eden. Die Python (luislang) is ‘n groot slang wat sy prooi versmoor en vergruis, maar dit openbaar nie werklik sy meganika nie. Jy sal die Python se geslepenheid en agterbaksheid sien soos die Heilige Gees die volgende prent skets.

Geestesbesweerder was verantwoordelik vir die skeuring van ‘n plaaslike kerk. Ek het in meer as een geval skeurings gesien, veroorsaak deur towenaars (heksery) en hoogmoed (godsdiensstige) geeste. ‘n gees van Hoogmoed was die hoofkarakter in die verval van baie kerke wat ‘n ware krag vir Elohim kon word. Maar selfs meer tragies as die vernietiging van kerke is die betrokkenheid van die Python in die persoonlike lewens van Elohim se mense, sowel as die mense van die wêreld oor die algemeen. Dit is nie my doel om vir jou al die antwoorde te gee nie, omdat ek nie almal het nie. My doel is om lig te werp op die Python gees deur Skrif, my persoonlike getuienis van ondervindings en wat Elohim vir my oor die onderwerp gewys het deur Sy Gees. Onthou om hierdie alles as ‘n prent te sien, met absolute in daardie prent.

Op **Dinsdag 17 Oktober 2000** het Yeshua deur ‘n “saak van die Gees” openbaar dat Hy die werke (die meganika) van die Python gees in Sy kerk gaan belig.

## Vanuit my rekords:

*Ek was op 'n skeepsdeklanding of dok saam met 'n paar mense. Hulle het gespook met 'n slang van 15 - 30m lank. Dit was 30 - 45cm in deursnee, 'n Python. Daar was mense in die water rondom die slang se stert wat steeds beweeg het. Hulle het probeer om iets daarmee te doen, of hulle was op*



*een of ander wyse daaraan verbind. In elk geval, 'n paar mense het saam met my by die kop van die luislang gestaan en ek het gesê: "Laat ek julle wys hoe om dit te doen." Ek het die kop aan die skedel gevat, in die oogkaste, en die reuse slang soos 'n sweep geklap. Die stert het soos 'n sweep geklap en die mense in die water was skielik losgelaat – hulle het weggekom. Ek het probeer om die mense weer te wys, maar ek kon die stert nie kry om weer te klap nie. Dit was nie nodig nie, aangesien die eerste klap gedoen het wat dit veronderstel was.*

*Toe het die toneel verander en ons was almal op land in 'n area met 'n plat oppervlak, met die betekenis dat iets eenvoudig en verstaanbaar gemaak word. Die slang was reguit uitgelê met sy kop gelig en ons kon in die leë skedel insien. Ek het iets wit wat lig uitgestraal het in my*



*regterhand gehad. Ek het vorentoe geloop en doelbewus, met 'n bietjie vrees, die lig deur die regter oogkas van die slang gedruk en die lig in die skedel geplaas. Ek het my hand onttrek en geweldige lig het nou van binne die skedel gestraal.*

*Die mense by my was opgewonde oor die oorwinning en het vir my gelyk of hulle die heerlijkheid begin aanneem van die slang se dood. Bewus hiervan het ek gesê: **"Prys Elohim, Hy het vir ons die oorwinning gegee,"** en begin sing, **"We've got the victory... heaven's on our side."** Einde van toneel.*

Ek en jy kan geen heerlijkheid ontvang vir die openbarings wat Yeshua gegee het sodat die Python in die kerk oorwin kan word nie. Yeshua het die openbarings aangespoor. Ek het nie geweet dat daar 'n probleem was nie.

In my oorspronklike rekords het ek nie geweet of ek in 'n boot of op 'n dok gestaan het nie. As dit 'n boot was, verteenwoordig die boot simbolies die kerk en die water van die meer was donker, nie helder nie, wat die logos Woord van Elohim verteenwoordig.

As gevolg van wat Elohim my geleer het, verstaan ek nou dat die slang die mense in die water vir 'n rit gevat het en hulle het dit geniet. Hulle het aktief probeer om op die slang te klim vir 'n rit. Hulle het geen benul van die gevaar gehad nie. Jy sien, in die toneel het ek geweet dit was gevaarlik vir hulle om selfs rondom die slang te wees en dit is waarom ek die sweep geklap het. Ek sal later in die skrywe terugverwys na hierdie toneel.

Ek het kasette gehoor en gelees oor hoe die Python 'n luislang is en die lewe uit kerke druk. Dit is beslis waar, maar belangriker om te verstaan is dat dit die lewe druk uit wat Elohim doen, net soos die slang die lewe gedruk het uit wat Elohim in die Tuin van Eden gesê het. Maar waar en hoe funksioneer die Python in die kerk? Wat is sy meganika? Elohim het deur ervarings en “sake van die Gees” vir my gewys dat ons, mense wat Yeshua liefhet, die Python gees deur ons kan laat werk (enigiemand – groot name ens.) op 'n daaglikse basis, sonder om daarvan bewus te wees. Die Bybel openbaar dat dit waar is.

**Mattheus 16:21-22** *Van toe af het Yeshua begin om sy dissipels te toon dat Hy na Jerusalem moes gaan en veel van die ouderlinge en owerpriesters en skrifgeleerdes moes ly, en gedood en op die derde dag opgewek word. 22 Toe neem Petrus Hom opsy en begin Hom bestraf en sê: Mag Elohim dit verhoed, Meester, dit sal U nooit oorkom nie! Maar Hy het omgedraai en vir Petrus gesê: **Gaan weg agter My, Satan! Jy is vir My 'n struikelblok, omdat jy nie die dinge van Elohim bedink nie, maar die dinge van die mense.***

Petrus het Yeshua liefgehad, maar hy het die vyand toegelaat om deur hom die waarheid aan te val wat Yeshua so pas openbaar het. Yeshua het geweet wat die bron was en dit bestraf. Petrus het nie die plan (regeringsplan) van Elohim geken nie en Yeshua het gesê: **“...omdat jy nie die dinge van Elohim bedink nie, maar die dinge van die mense.”** Die Python speel op die wil van die vlees en die onkunde van mense en lei sodoende mense weg van die plan van Elohim af. Hy plant 'n saad en hoop dit groei.

Die Python val die plan van Elohim aan. As Yeshua nie bestraf het wat Petrus gesê het nie, weet jy dat die ander dissipels saam met Petrus sou probeer om Yeshua te oortuig om dit nie te laat gebeur nie. Sit jouself in die dissipels se skoene, sonder begrip van die plan van Elohim, wat sou jy gedoen het? Sou jy soos Petrus gewees het? Waarskynlik!

Petrus het geen gees opgeroep nie en hy het Yeshua reeds 'n geruime tyd gevolg. Hy het Yeshua liefgehad en tog kon 'n gees hom in 'n oogwink binnegaan en deur hom werk. Daar is geen twyfel hieroor nie, aangesien Yeshua gesê het: *“Gaan weg agter My, Satan! Jy is vir my 'n struikelblok...”*

Vir ons om die **“sake van die Gees”** te volg (Romeine 8:1 & 5), moet ons beheer oor ons gedagtes hê, sodat bogenoemde nie gebeur nie. Ons moet weet wat Elohim besig is om te doen en wat Sy plan is (vanuit 'n korporatiewe vloeiagram). **Ons moet hierdie eenvoudige optrede van die vyand verstaan wat hy sal gebruik om ons uit die plek te hou wat Elohim vir ons bedoel het.** Ons moet die **teenwoordigheid van verstand** hê om die sake van die Gees aan die voorpunt van ons lewens te hou. Yeshua se bruid sonder vlek of rimpel sal nie beheer en rondgeklap word deur die vyand nie. Daarom moet ons die meganika van die Python en sy betrokkenheid in kerkaktiwiteite verstaan. Daar was 'n rede waarom Elohim op 8 April 2005 aan my openbaar het dat Hy wou hê ek moes dinge wat ek weet rondom Python in 'n skrywe vir Sy mense saamvat. Die rede wat Hy verskaf het was: *“Sodat die Python nie kan inkom nie!”* Elohim wil hê Sy mense moet die karaktertrekke van die Python kan herken, sodat ons hom nie laat inkom om ons lewens en die plan van Elohim te bederf nie.

Wanneer jy die volgende inligting oor die Python gees lees sal jy van sy karaktertrekke sien, sowel as sy eenvoudige betrokkenheid in die daaglikse lewens van mense en hoe hy affekteer wat hulle glo. Die Python gees is die hoof oorsaak van al die verskillende gelowe van die wêreld en selfs verdeelde denominasies! Dus sien jy dat ek nie net van mense praat wat onbewustelik profeteer of voorspellings maak onder die invloed van hierdie gees nie. Ek praat van die Python se betrokkenheid in ons gedagtes en sodoende ons lewens op 'n daaglikse basis. Sy doel is om ons te laat mis wat Elohim gesê het en gevolglik te mis wat Hy besig is om te doen. Die slang het dit in die Tuin van Eden gedoen.

Kom ons kyk na 'n paar skrifgedeeltes en inligting voor ek 'n paar ervarings en “sake van die Gees” noem wat lig sal werp op die aktiwiteite van die Python in mense se lewens vandag. Kom ons begin met ‘divination’ (waarsêery), kyk hier onder na die definisie vanuit die American College Dictionary:

1. the discovering of what is obscure or the foretelling of future events, as by supernatural means. 2. augury; a prophecy. 3. instinctive prevision.

Om te bevestig dat waarseêry die Python gees is, kyk na 'n skrifgedeelte: (Die King James weergawe vertaal die Griekse woord as 'n spirit of divination.)

*“En terwyl ons op pad was na die bidplek, kom 'n slavin met 'n waarsêende gees ons teë...” Hand. 16:16*

*Die Interlinear Bible*, 'n letterlike vertaling van die Bybel, gebruik die woord Python:

*“And it happened, as we went into a place of prayer, a certain slave girl having a Pythonic spirit met us...” Hand. 16:16 (ILB)*

## Python Bevat Waarsêery

*Want wederstrewigheid is 'n sonde van waarsêery, en eiesinnigheid is afgodery en beelddiens. Omdat jy die woord van die HERE verwerp het, het Hy jou as koning verwerp.  
1 Samuel 15:23*

Waarsêery is 'n sonde. Daar is mense in die kerk wat onwetend deur hierdie gees van Python funksioneer (waarsêery). Om dit onbewustelik te doen sal hulle nie hul redding kos nie; dit sal hulle egter iets in die siels realm kos en in die Koninkryk van Elohim. In die siels-/verstandelike realm sal jy verstandelike/denkprobleme hê; jy sal weerhou word van die suiwer waarheid, sonder dat jy daarvan bewus is. Jy sal periodes ervaar **wanneer jy buite beheer van jou dade is**, en daar sal areas wees waar jou gedagtes beneweld is. Die vyand kan vryelik gedagtes in jou siel/gedagtes invoer wat hy wil. As 'n persoon hierdie Python probleem het kan hulle selfs **snags deur hulle siel/gedagtes gefolter** word.

Elohim waarsku ons om nie te soek na, of enigiets te doen te hê met enige tipe waarsêery nie. Sommige sal sê dat hulle nog nooit so iets gedoen het nie.

Verstaan dat die sondes van die vaders aan die kinders besoek word. As enige van jou voorgeslagte met hierdie tipe ding te doen gehad het kan jy hierdie sielsprobleem hê en **nie daarvan bewus wees nie. En onthou dat toe Petrus deur Yeshua bestraf was, is openbaar dat 'n gees ingetree het.**

## DIS 'N SIELSDING

*Jy het jou vermoei met die menigte van jou planne; laat hulle tog optree en jou red—die wat die hemel indeel, die sterrekykers wat elke maand laat weet wat oor jou sal kom. Kyk, hulle het geword soos stoppels, vuur het hulle verbrand; hulle kan hulself nie red uit die mag van die vlam nie—dit is geen kool om by warm te word nie, geen vuur om daarvoor te sit nie!*

*Jes. 47:13,14*

Hierdie skrifgedeelte dui aan dat **jou siel nie sal ontsnap nie**, en hulle wat hulself aan waarsêery of familiêre geeste oorgegee het, **het met hul siele laat mors**, spreekwoordelik.

Net Elohim kan verander wat aan hulle siele gedoen is. Wanneer ons dinge doen wat ons siele oopmaak, of dinge doen wat 'n effek het op ons siele, is ons onbewus daarvan in ons siele. Yeshua wil hê ons moet dit verstaan.

*Hy wat owerspel pleeg, is sonder verstand; hy wat sy eie lewe wil verwoes, hy doen so iets; Spreuke 6:32*

Yeshua sê dat ons nie verstaan of herken wat ons aan ons siele doen as ons sondig nie. Christene dink alles is reg na hulle berou het en om vergifnis gevra het. Maar wat gebeur het met die siel/verstand moet herstel word, anders sal dit onbewustelik die siel/verstand van die persoon vir die res van hulle lewe belemmer. Mense wat hierdie dinge ervaar sal vir jou sê dat dit nie seergemaak het nie en hulle het niks in hulle verstand gevoel nie. Wanneer jy aan Elohim deur sonde ongehoorsaam is, het die vyand 'n opening om jou aan te val, of om jou vas te hou **soos hy wil**. Dit is nie iets wat Elohim gedoen het nie, maar iets wat **jy toegelaat het**.

*Want elke mens se weë is voor die oë van YHWH, en Hy weeg al sy gange. Sy eie ongeregtighede vang hom, die goddelose, en in die vangstrikke van sy sonde word hy vasgehou. Spreuke 5:21,22*

Het jy al ooit iets gedoen, gewens jy het nie en **dan gewonder hoekom jy so genoodsaak gevoel het om dit te doen?** Is daar iets wat jou terughou, iets wat jy nie lekker kan beetkry nie en jy kan nie oorwinning behaal nie?

*...en hulle weer nugter kan word, vry van die strik van die duiwel, nadat hulle deur hom gevang was om sy wil te doen.*  
II Tim. 2:26 KJV

Sodra die duiwel 'n opening het, of 'n koord ('n deur) aan die siel gevestig het, kan hy en/of sy geeste op hulle eie diskresie opereer en indien nodig, beheer uitoefen.

Ons moet onderskei tussen wanneer die gees van Python opereer en wanneer die Heilige Gees opereer. Hoe leer ons die verskil?

**Elohim se formule,**

ELOHIM + SIEL (verstand) = Openbaring (begrip)

ELOHIM IS VIR JOU SIEL, VIR JOU VERMOË OM TE DINK EN BESLUITTE TE NEEM, SOWEL AS JOU VERMOË OM TE REDENEER EN TE LEER. ELOHIM MOEDIG ALTYD DIE FUNKSIE VAN DIE SIEL AAN. JOU SIEL KAN IN VOLLE WERKING WEES EN VAN ELOHIM ONTVANG

Die Bybel bevestig wat ek so pas gesê het.

*Ons het ewenwel nie die gees van die wêreld ontvang nie, maar die Gees wat uit Elohim is, sodat ons kan weet wat Elohim ons uit genade geskenk het. Daarvan spreek ons ook, nie met woorde wat die menslike wysheid leer nie, maar met dié wat die Heilige Gees leer, sodat ons geestelike dinge met geestelike vergelyk.* I Kor. 2:12&13

Hoe leer die Heilige Gees? Om te leer of geleer te word, dui op die gebruik van die verstand. Om een ding met 'n ander te vergelyk dui ook op die gebruik van die verstand.

In Handeling 10:10 het Petrus 'n visioen gehad en **hy moes sy verstand gebruik om uit te maak wat Elohim besig was om te openbaar**. Hy het 'n voorwerp vanuit die hemel sien neerkom.

Hierdie was sy eerste geestelike “saak”, ‘n visioen wat hy nie verstaan het nie. In vers negentien sê die skrifgedeelte dat Petrus nagedink het oor die visioen; hy het gemediteer. Petrus het nie die tweede geestelike “saak” gehad om in oorweging te bring tot na Cornelius vir Petrus klaar vertel het wat gebeur het nie. Dan, deur geestelike gebeurtenisse met geestelike gebeurtenisse te vergelyk, **in sy verstand, Petrus het twee dinge saamgevoeg en ‘n openbaring gekry.** (Onthou die formule!) Dadelik nadat hy die openbaring gekry het, het hy gepraat:

*En Petrus het sy mond geopen en gesê: Ek sien waarlik dat Elohim geen aannemer van die persoon is nie, Hand 10:34*

Wat was Petrus se openbaring? Cornelius was nie ‘n Judeër nie en die Heilige Gees het Petrus so pas geleer (deur geestelike dinge met geestelike te vergelyk) dat enigiemand gered kan word. **Maar Petrus moes sy verstand gebruik om die openbaring te kry.**

Die basiese fundamentele gedagte is hierdie: Elohim is vir jou siel en die vyand is daarteen. **Elohim moedig die gebruik daarvan aan. Die vyand wil die korrekte gebruik daarvan stop. Daar is ‘n sekere wyse waarop die Heilige Gees leer en openbaring verskaf, wat die gebruik van jou verstand vereis. Ja, Elohim is vir jou siel.**

Ander beginsels wat ons opvoeding bevat oor die dinge van Elohim is: wie bevestig, wie gee en volgens wie se wil. In Jeremia 27, praat Elohim van die feit dat hierdie deur julle bevestig is; julle profete, julle fortuinvertellers, julle dromers, julle oproepers, julle towenaars. Met ander woorde, julle het hierdie profete vestig, nie Elohim nie. Ons moet verstaan dat Elohim profete vestig, nie die kerk nie. Elohim verhoog die vyfvoudige bedieninge, nie die kerk nie. Die gawes word gegee volgens die wil van die Heilige Gees, nie volgens ons wil nie. In geestesbeswering word die verbintenis in die geesteswêreld in onwettig gemaak, volgens die wil van die persoon of die gees (as die gees wettige reg het). As Elohim vir jou ‘n droom gee word dit na Sy wil gegee en is nie iets wat jy opgetower het, of gedagdream, of as gevolg van iets wat jy geëet het nie.

**Die Heilige Gees vestig die verbintenis na die siel volgens Sy wil en stel dan daardie verbintenis vry sodat jou siel vryelik kan funksioneer soos dit geskape is om te doen.**



Elohim gee, sonder enige bybedoelings, Hy gee verniet. Elohim is so oppermagtig, dat alles wat Hy doen 'n vorm van gee is.

IN ELOHIM SE REALM VESTIG DIE HEILIGE GEES; HY GEE VOLGENS SY WIL OF YESHUA SE WIL.

## PYTHON BEVAT “FAMILIËRE GEES”

Vanuit die American College Dictionary sien ons hierdie definisie.

Familiar Spirit: A supernatural spirit or demon supposed to attend on or serve a person.

Sommige mense gebruik kristalballe en ander roep op deur 'n verskeidenheid metodes. Hulle het bloot 'n gees wat hulle dien, **gewoonlik om geld te maak** of om hulle op een of ander wyse te bevoordeel. Ons kan hierdie aktiwiteit in die wêreld vandag sien.

In die boek van Handelingte moes Paulus met so 'n persoon deel.

*En terwyl ons op pad was na die bidplek, kom 'n slavin met 'n waarsêende gees ons teë, wat vir haar eienaars deur waarsêery groot wins inbring het. Sy het Paulus en ons gevolg en geskreeu en gesê: Hierdie manne is dienaars van Elohim, die Allerhoogste, en hulle verkondig aan julle die weg van verlossing. En dit het sy baie dae lank gedoen; maar baie ontevrede daaroor, het Paulus hom omgedraai en vir die gees gesê: Ek beveel jou in die Naam van Yeshua Christus om uit haar uit te gaan. En hy het op dieselfde oomblik uitgegaan.*  
*Hand 16:16-18*

Dit is duidelik uit hierdie skrifgedeeltes dat die vrou 'n Python gees gehad het wat haar gedien het en haar meesters het as gevolg daarvan geld gemaak. Dit stem ooreen met die woordeboek-definisie van 'n familiêre gees.

Een basiese manier om 'n familiêre gees te identifiseer is deur 'n eenvoudige vraag te vra. Sal die persoon op een of ander wyse voordeel trek uit die gees se werking? Dit is selfs vir profete in die kerk wat onder hierdie invloed funksioneer, voordelig om dié gees te hê. Daar word deesdae baie geld gevra vir woorde of dienste.

As ons kyk na hierdie stel skrifgedeeltes, is die eerste opmerkbare ding wat ons moet besef . . . **terwyl ons op pad was na die bidplek . . . die Python geniet 'n geestelike atmosfeer** aangesien dit daar die beste funksioneer. Tweedens, hierdie was nie 'n eenmalige geval nie. . . . **En dit het sy baie dae lank gedoen.** Die derde ding om op te let, is . . . , **Sy het Paulus en ons gevolg en geskreeu en gesê: Hierdie manne is dienaars van Elohim, die Allerhoogste, en hulle verkondig aan julle die weg van verlossing.** Klink soos 'n wins, nie waar nie? Paulus het die weg van verlossing verkondig. **Hierdie stelling was die waarheid!** Dit kom voor as 'n goeie ding vir Yeshua se saak dat hierdie vrou aandag vestig op Paulus en die Evangelie. Paulus het skielik 'n luidspreker en 'n draagbare advertensiebord gehad, figuurlik gesproke. Dit lyk op die oog af of Paulus en dié saam met hom kon voordeel trek uit hierdie situasie.

Maar jy sien, die familiêre gees (Python) het geopereer toe **“sy geskreeu het.”** Hoe weet ek dit? As gevolg van 'n persoonlike ervaring. Lees verder.

## **Wat! 'n Godsdienstige gees?**

Ek het dit “kattemaai” genoem. Dit was 'n uitgerekte “o-o Here” dit en “o-o Here” dat tipe van **geraas** in 'n **ander stemtoon** wat sou aanhou en aanhou. Dit het in ons gebedsbyeenkomste plaasgevind.

Op een spesifieke nag, terwyl ons almal gebid en met Yeshua gepraat het, het 'n man wat 'n pastoor was met hierdie gebed begin wat ek as “kattemaai” bestempel het. Hy het steeds gestaan en bid toe die res van ons gelyk het of ons klaar was. Ek het gesit en het met Yeshua gepraat oor wat Hy wou hê ons moet volgende doen. Toe hoor ek wat hierdie man besig was om te bid. Hy het **gepraat oor sy Christen agtergrond en hoe sy fondasie heel reg was.**

Dit behoort hier gemerk te word dat Elohim in die proses was om te openbaar dat fundamentele beginsels wat in Sy verbonde gevind word, verlore geraak het. Hierdie gees het openlik geopponeer wat Elohim besig was om te openbaar!

Verder: Hy het gesê daar mag dalk 'n paar klein goedjies verkeerd wees, maar die H-H-ere het hom bewaar. En hy het gesê “O-o Here” dit en “O-o Here” dat.

Ek het 'n tyd lank gewonder oor hierdie “te kere gaan” en was besig om moeg te raak vir die stemtoon. Ek het gedink: “Daar is een manier om uit te vind of ek reg is oor wat besig is om te gebeur.” Ek het gewonder hoe om voort te gaan, omdat ek geweet het as ek verkeerd was en dit nie 'n gees was nie, kon dit 'n probleem in die groep veroorsaak. Ek het gekyk na die man en het met die gees gepraat, maar nie hard genoeg vir die man, of enigiemand anders om te hoor nie. Ek het gesê: **“Jou onreine godsdienslike gees, ek beveel jou in die Naam van Yeshua om uit hom uit te kom.”** Hy het vinnig gestop en gaan sit. Ek het gedink: “Wel, ek reken daar was niks daaraan nie.” Ons het almal na mekaar gekyk en gewonder of enigiemand geweet het wat om volgende te doen. (Dit was normaal in daardie gebedsbyeenkomste.) Skielik het die pastoor se vrou opgestaan en aan hom begin bedien. Toe sy dit gedoen het, het ons almal begin bid, omdat ons geweet het Yeshua was aan die beweeg. Toe sy klaar aan hom bedien het, het die pastoor ons vertel wat gebeur het.

**Hy het gesê dat hy “homself” voor hom sien staan het.** Hy het gesê dat Yeshua vir hom gesê het Hy was besig om hom van 'n familiêre gees te verlos. (Ek het met 'n “godsdienslike gees” gepraat.) Yeshua het ook vir hom gesê waar hy dit opgetel het. **Dit was in 'n kerk.** Toe het Yeshua hom beveel om vir 'n tyd lank nie te bedien nie (totdat Hy gesê het hy kon). In ons gesprek later het ek uitgevind dat hy nie onthou het wat hy gebid het nie en hy was nie bewus dat die ander in die vertrek ophou bid het nie. Wanneer 'n gees van hierdie soort funksioneer, kan 'n persoon soms nie onthou of bewus wees van wat gebeur het nie. Dit hang alles af van die tipe gees en die graad van die houvas wat dit op die persoon het.

Die rede waarom Yeshua hierdie man beveel het om vir 'n ruk nie te bedien nie, was omdat **Hy die “godsdiens” en al die vrugte daarvan uit die man se siel/verstand wou reinig.** Yeshua sou 'n paar gedagtes afsny en in sy siel herrangskik. Hierdie man het geen idee gehad wat Yeshua alles moes doen nie. Ons moet verstaan, Yeshua het gesê dat Hy hierdie man van 'n familiêre gees verlos en dat hy nie mag bedien het nie. Jy sien, **dit was net begin. Dit was nie alles klaar gedoen in 'n oogwink nie, dit is 'n stap vir stap proses.** Die voltooide bevryding sou tyd neem. Ek noem dit die ontslae raak van die vrugte wat die bose gees in die man se verstand agtergelaat het. Elohim het 'n bediening deur hierdie man gehad. Dit is waarom dit belangrik was vir hierdie pastoor om nie te bedien nie, totdat Yeshua gesê het hy kon.

Yeshua sou al die verkeerde gedagtes en patrone rondom die siel moes uitstryk. Ons moet verstaan dat elke situasie uniek is wanneer met geeste gedeel word. Die felheid van beheer geld in elke situasie. Yeshua is die enigste een wat werklik weet wat om te doen, bly dus op dieselfde golflengte as Hy.

Wanneer Yeshua vir jou iets wil wys waarvan jy niks weet nie, sal Hy jou dikwels in 'n ongemaklike posisie plaas. Hoekom? Hy doen dit om die gewone patroon van lewe op te breek en sodoende die gewone gedagtegang in jou siel af te sny.

Ons moet verstaan **dat volkome bevryding volkome gehoorsaamheid vereis**. Onthou toe Yeshua my beveel het om nie om verskoning te vra vir hulle teenoor wie die gees van woede opgestaan het nie? Het ek om verskoning gevra, sou ek nie al die dinge ervaar het wat Elohim in my siel wou doen nie. Ek moes Elohim gehoorsaam, al het dit nie reg gevoel nie. Om Elohim ongehoorsaam te wees laat die vyand terugkom.

Sodra die gees weg is, moet die verkeerde denke of vrugte van daardie gees verwyder word. Soms gee oorheersende gedagtes wat deel is van die gees, saam met die gees pad. Dit beteken nie dat jy nie weer daardie selfde gedagtes kan hê nie. Dit kom neer op: “Heers jy oor die gedagtes, of heers hulle oor jou?” ‘n Persoon moet onderrig word ten opsigte van die gedagtes en patrone van die gees sodat hulle dit nie weer inlaat nie. Jy sien, die persoon was kwesbaar vir die gees in die eerste plek (of onkundig oor die gees, of ‘n swak plek in daardie area) en dieselfde kwesbaarheid is steeds daar.

Die Pythongees is dol daaroor om openbaring te verskaf vir Elohim se woord. Dit is dol daaroor om interpretasies te gee oor die dinge van Elohim. Dink oor wat in die tuin gebeur het! Satan, uitgebeeld as ‘n slang, het Eva die interpretasie of openbaring gegee van wat Elohim gesê het. Satan sê (*in beginse!*), “**Elohim het nie bedoel wat Hy gesê het nie, hierdie is hoe dit eintlik is.**” Satan het Elohim baie goed aangehaal, maar met sy eie kinkel. Die Python sal dieselfde ding doen! Dit het te make met die Python wat in die “donker water” (logos Woord van Elohim) leef, aan die begin van die Python afdeling.

## **Python Bevat Geestebesweerder**

As jy in Easton se 1897 Bybelwoordeboek na die woord *Divination* kyk, sal jy sien:

## Divination

. . . of false prophets (Deut. 18:10, 14; Micah 3:6, 7, 11), of necromancers (1 Sam. 28:8), . . .

Hierdie woordeboek bring geestesbesweerders (necromancers) en fortuinvertelling bymekaar. Geestesbeswering is fortuinvertelling en ons weet fortuinvertelling = Python, dus sien ons ook Python = geestesbesweerder.

Hier deel ek met jou hoe die geestesbesweerder 'n hoofrol gespeel het in die verdeling van 'n groot groep wat Elohim bymekaargebring het vir Sy doeleindes. Elohim het twee liggame van gelowiges bymekaargebring en jy moet verstaan dat dit niemand se idee behalwe Elohim s'n was nie. Daar was weerstand in beide kampe rondom 'n samesmelting. Niemand het werklik verstaan wat Elohim vir ons beplan het nie.

Hierdie verhaal begin in 'n kerkdiens waar die leiers die vrou van 'n oorlede pastoor (wat ek persoon N sal noem) laat praat het oor 'n boek wat haar man nie klaargemaak het nie. Haar man het 'n vorige boek geskryf wat in druk was. Sy het getuig van hoe sy gebid het en die res van haar man se tweede boek gegee is. Sy was nadruklik om Yeshua die krediet hiervoor te gee en dat die Heilige Gees so goed was vir haar dat Hy die inligting in haar man se stem vir haar gegee het. Onmiddellik na die diens het die pastoor/opsigter van die groep my gewaarsku om nie met die boek te peuter nie, om niks te doen te hê met enigiets wat besig was om te gebeur nie, omdat die vrou onbewustelik betrokke was by 'n geestesbesweerder.

Tyd het verloop en daar was 'n geleidelike verwerping van die verhouding tussen albei groepe, met verskillende idees oor wat veronderstel was om te gebeur. Ons het nie geweet hoe om die Vloeidiagram korrek te benut nie en ons was in die middel van om te leer oor hoe om Elohim se tiende korrek af te lewer. Kort daarna het die pastoor weggegaan en hy het vir my gesê dat ek die pastoor moes wees. Ek was beslis nie ten gunste hiervan nie, maar Elohim het bevestig dat ek vir 'n ruk pastoor moes wees.

Die ontevredenheid was besig om te groei tussen die mense en gou was daar 'n skeuring. 'n Redelike groot groep het afgesplinter om hul eie ding te doen. Sommige ander mense het bloot laat vaar en ek was gelos met die oorblywedes wat geglo het wat Elohim openbaar het rondom *die Heuwel wat Elohim "die Plek" noem*.

Toe die skeuring plaasgevind het, het Yeshua deur 'n ander pastoor se vrou (buite hierdie groep) openbaar dat 'n geestesbesweerder betrokke was. Met 'n naggesig (aan my gegee) het ek begin verstaan hoe 'n geestesbesweerder (Python) instrumenteel was in die skeuring. Ek het 'n diagram vir jou gemaak om te sien maar ek dink dit sal beter wees as jy eers die verslag lees en dan na die diagram kyk.

Ons het Elohim se tiende aan weduwees gelewer gehad en die tesourier van die groep en sy vrou het dit elke maand aan die oorlede pastoor se vrou (persoon N) gelewer. Hier is wat besig was om te gebeur:


Elke keer wat die tesourier en sy vrou van Yeshua se fondse aan “persoon N” lewer, sou “persoon N” vir hulle sê iets is verkeerd. Oor die algemeen sou sy sê, “ek het gebid vir julle kerk en daar is iets verkeerd; daar is iets wat net nie reg is nie!” Die tesourier se vrou het meer as een keer na my toe gekom en vir my gesê daar is iets verkeerd en ook dat “persoon N” gebid het en gesê het dat Yeshua vir haar sê iets is verkeerd. Ek het altyd erken dat daar waarskynlik iets verkeerd was, aangesien Elohim besig was om ons in te lei by iets wat nie vantevore bestaan het nie. Ek het vergeet van geestesbesweerder se invloed op “persoon N”.

Met die droom en die feit dat Elohim gesê het dat geestesbesweerder die skeuring veroorsaak het, het dit skielik vir my ooglopend geword hoe geestesbesweerder dit gedoen het. As 'n persoon hoor en hoor en hoor dat daar iets verkeerd is, sal hulle binnekort begin glo iets is verkeerd en dan begin soek vir iets wat verkeerd is. Hulle word meer en meer ontevrede en dink, “Daar is iets verkeerd!” Wanneer jy genoeg mense het wat op hierdie wyse dink (al weet hulle nie wat is verkeerd nie), voer dit die gedagte van om pad te gee, wat 'n skeuring veroorsaak. Ons kan sê geestesbesweerder het die skeuring gevoer deur konstant die gedagtes voor te stel dat daar iets verkeerd was. Maar die volle waarheid is dat Python die skeuring veroorsaak het, gemanifesteer as geestesbesweerder, terwyl dit daardie gedagtes gevoer het waar ook al dit kon!

Die interessante ding hier is dat niemand ooit uitgekóm het met wat verkeerd was nie, behalwe individuele oortuigings. Ons sien dit in baie sogenaamde profete (onder die invloed van Python) van vandag wat altyd verklaar dat iets verkeerd is, maar hulle sal nooit spesifieke inligting gee oor hoe om te korreger wat verkeerd is nie. **Hulle het nie in die raad van Elohim gesit nie.** (Lees: ‘Maar Yeshua, Ek Glo Nie in Profete Nie’.)

Hierdie is 'n eenvoudige prent van hoe maklik die Python gees (in allerdaagse lewe) dit wat Elohim doen kan beïnvloed, tee kan gaan en afbreek. Dit was deur die verstand gedoen, deur gedagtes! Mislei, net soos Petrus in sy verstand was toe Yeshua gesê het:  
*"Gaan weg agter My, Satan! Jy is vir My 'n struikelblok..."*

Hier volg die diagram:




## Vier Gesigte-Manifestasies van Python

Elohim het vir my 'n gesig gegee ten opsigte van die Python gees wat openbaar dat die Python verskillende gesigte het (werke-manifestasies-aksies). Die beste manier waarop ek kan verduidelik is dat dit 'n nabootsing van die Heilige Gees is. Die Heilige Gees is een Gees, een persoon, maar met verskillende manifestasies.

*I Korintheërs 12:4 Daar is wel verskeidenheid van genadegawes, maar dit is dieselfde Gees...*

Deel van die toneel, **Woensdag 12 Mei 1999**, saamgevat:

*Die deel van die toneel wat ek met jou wil deel, is waar ek gekyk het na 'n seun wat deur die lug gevlieg het en vir my drie groot luislange op die grond gewys het. Toe was ek langs hom en hy het hulle uitgewys en gesê: "Sien!" Daar was 'n slang (1) wat plat op die grond gelê het met 'n rooi streep, wat gelyk het of dit dood was. Die tweede (2) Python het 'n pienk-pers streep gehad. (Hierdie streep was nie kenmerkend skerp soos die strepe op die ander slange nie.) Hierdie slang was by die onderpunt van 'n stel trappe wat in die oopte gestaan en na die hemel opgestrek het. Hy het sy kop gelig gehad, asof hy gereed was om enigiemand aan te val wat teen daardie trappe probeer opgaan. Ek het gewete ek moes teen daardie trappe opgaan. Daar was 'n derde Python (3) met 'n groen streep, anderkant die een by die trappe. (In die toneel was dit baie duidelik gemaak dat al hierdie pythons verskillende aksies gehad het.) Toe was ek op die grond (volwasse man) en het weer tussen die Pythons deurgeloop, op my eie, want ek was die seun wat in 'n man verander het.*



*In die toneel toe ek volwasse was, het ek verby die rooi gestreepte Python geloop wat uitgestrek gelê en dood gelyk het, verder verby die een by die trappe (2) en verby na die ander groen gestreepte Python (3). Ek het toe teruggedraai na die Python wat rooi strepe gehad het (1) en voorgekom het of dit dood was, om te sien hoe dit oopskeur en 'n ander Python daaruit tevoorskyn kom (4) wat 'n blou streep gehad het.*



*Dit het my aggressief agternagesit. Ek het toe vinnig geloop na die Python by die trappe wat my wou aanval. Ek het my hande uitgehou, gereed om sy kop te vang soos dit na my gryp. Ek sou bewys dat die hande vinniger is as die oë, deur sy kop te vang wanneer hy na my sou spring. Ek was gereed! **Die Python het die trappe opgepas** omdat hy reeds geweet het dat ek veronderstel was om op te gaan.*

Let op dat ek genoeg kennis gehad het om die Python by die trappe te hanteer nadat ek al vier Pythons gesien en as 'n volwasse man deur hulle gestap het. Elke ontmoeting met die Python slange verteenwoordig Elohim wat my iets leer of iets aan my openbaar rondom die Python gees.

Let ook op dat die Python reeds weet waarheen ons moet gaan en gereed is om te verhoed dat ons daardie stappe neem wat Elohim wil hê ons moet neem. Hy is in die omgewing om ons te verhoed om die “sake van die Gees” na te volg, soos in Romeine hoofstuk 8 openbaar is ons moet doen. Hy sal ons vleeslike liefde vir ander gebruik om ons te belemmer, net soos hy Petrus se liefde vir Yeshua gebruik het toe Yeshua hom moes bestraf.

Ons moet verstaan dat Yeshua besig was om aan die dissipels die regeringsaksies te openbaar. Die heerskappy van Elohim kom nou met die *Rivier van Lewe* af na ons toe (van Yeshua se skouers af) en glo my, die Python is daar by ons wanneer ons daardie inligting ontvang, om ons die spoor byster te laat raak deur gedagtes, ons onkunde oor waarmee Elohim besig is, ons liefde vir mense en ons eie lewens.

Daar is geen twyfel in my verstand nie dat Satan baie meer van my roeping verstaan het as wat ek het, toe Elohim met my begin deel het in 1980. Die Python was 'n hindernis regdeur my denke, sowel as deur ander mense, net soos die toneel aandui. Ons word dikwels in ons lewens slagoffers daarvan omdat ons onbewus is van sy aktiwiteite in ons daaglikse lewens. Die tonele rondom Python wys egter dat ons oorwinning sal behaal na ons die Lig en die waarheid gesien het!

Die toneel openbaar duidelik dat daar verskillende aksies, manifestasies en gesigte van die Python gees is. Dit is interessant dat die seun vir my drie Pythons met verskillende aksies gewys het, maar toe ek fisies deur hulle stap was 'n vierde Python openbaar wat versteek was. Dit toon dat die Python baie aggressief kan wees en dat ek iets sou leer wat nie gewoonlik van die Python gesien word nie, deur die visioen deur te stap.

Die visioen was duidelik profeties. Dit is alles Elohim se toedoen, soos jy sal sien!

## **“Hierdie Gees is Heersend in My Kerk”**

Een keer het ‘n vriend my gevra om na ‘n kerk te kom en ‘n profeet te beoordeel wat daar bedien het – om te sien of hy werklik ‘n profeet van Elohim was, of nie. Ek het vir hom gesê dat ek nie sulke dinge doen nie, maar hy het aangehou en ek het eindelijk ingestem om die byeenkoms by te woon – maar nie noodwendig om enigiemand te beoordeel nie.

Daardie selfde oggend het ek vir Elohim gevra om vir my iets te wys wat Hy reeds aan my openbaar het, maar wat ek nie ten volle verstaan het nie. (Ek het hiervan vergeet toe ek na die byeenkoms toe is.) Die byeenkoms het begin en daardie profeet was reeds besig om mense te bedien toe ons daar aankom. Hy het vir almal in die vertrek woorde gegee en daardie woorde het almal basies ‘n sentrale tema gehad, maklik sigbaar as ‘n mens opgelet het. Daar was net een tereg wysende woord aan ‘n gesin en dit was werklik nie veel nie.

‘n Dame van ons groep het ook na die byeenkoms gekom en wou ‘n woord van ‘n profeet hê. Sy was nog nooit voorheen naby een wat baie woorde gegee het nie. Ek het eindelijk besluit om in die tou te staan en te kyk wat Elohim deur hom vir my sou sê. Hierdie dame was voor my en my vrou. Die man kon mense se pos lees, soos om dinge te openbaar wat in hulle lewens gebeur het (kontrolerende geeste van die hel) en hy het begin bedien aan die dame van ons groep. Die familiêre gees het die lewe uit haar begin druk deur voor te stel dat sy sekere dinge moes doen. Ek het gesien hoe hierdie gees subtiel besig was om dit waaronder sy besig was om uit te kom, op haar terug te sit, deur aan te voor dat sy geen vordering hoegenaamd gemaak het nie. Wat ‘n slinkse slang; en dit was toe dat ek seker was van wat aangegaan het. Ek het gedink, “Hierdie gaan interessant wees” aangesien ek geweet het ons was volgende.

Familiêre geeste monitor ons en ken ons lewens soms beter as ons self. Die Python (familiêre gees manifestasie) het my begin vertel dat die mense in die groep nie sou bykom nie, dat Elohim wou hê ek moes Colorado toe gaan en dat daar mense sou wees wat sou verstaan wat Elohim wou gehad het. Die kerk sou groei tot 10,000 (sjoë) en later sou ek na Kalifornië gaan en ‘n baie groter kerk daar hê.

Die Python gees het geweet dat ek op daardie stadium ontmoedig was, dus het hy op my gemoed gespeel. Die gees het geweet wat gebeur het in ons byeenkomste en het probeer om my van Elohim se weg vir myself en die mense hier, af te lei. Inderwaarheid het ek ontmoedig geraak en gedink daaraan om pad te gee of op te hou, maar Elohim het met 'n baie streng stem met my gepraat, **“Die Heuwel sal tot vervulling kom.”** Ek het die Python gees net sy loop laat neem, terwyl ek gedink het, “Wat 'n les”. Oppad huis toe het Yeshua met my gepraat en gesê: **“Hierdie gees heers in My kerk!”** Wel, vir Elohim om te sê iets **“heers”** is werklik erg.

Op daardie stadium het ek gedink Elohim het net gepraat van mense wat woorde gee deur middel van hierdie misleidende gees, maar sedertdien het Hy my geleer dat hierdie gees in ons daaglikse lewens funksioneer, waar dit die planne en wil van Elohim vir Sy bediening op aarde belemmer. Dis baie meer as waarsê of geestesbeswering. Ek het reeds vir jou gesê dat hierdie gees dol is daaroor om interpretasies van die Skrif te gee, gebedsbyeenkomste by te woon, of enige ander byeenkoms wat dit betref. Hy is baie aktief in die wêreldsisteem, waar hy gedagtes plant en deur verskillende soorte waarsêery werk.

Die Python is wat Elohim na verwys het toe Hy gesê het: **“Hierdie gees heers in My kerk!”**

### **‘n Getuienis van die Slang se Verstand of Taktiek!**

Een keer het 'n man 'n kasset vir my gebring wat 'n getuienis bevat het van 'n vrou wat hel toe was. Hierdie man het gesê dat die kasset berou gebring het en baie mense sou na die altaar kom. Ek het gedink dit was wonderlik, omdat ek geweet het dat iets mense moet skud om hulle te laat aanbeweeg met Elohim. Ek het gevoel asof ons vasgesit het. Ek het na die kasset geluister en kon sien dat dit presies sou doen wat hy gesê het dit sou. Daardie nag het Yeshua vir my 'n toneel gegee van 'n bladsy in 'n boek wat ek gelees het wat hekserie en astrale projeksie uitbeeld. ('n Familiêre gees is betrokke by hekserie – astrale projeksie.)

Toe ek wakker word het ek verstaan dat die boek gepraat het van 'n familiêre gees en dat Elohim die waarheid rondom die kasset openbaar het. Soos ek die kasset onthou het, het ek besef dit was die werk van die Python gees in hierdie vrou se lewe, aangesien Elohim my reeds van die eienskappe of meganika van die Python gees se aksies geleer het.

Elohim het bloot my geheue bietjie verfris met die toneel van die bladsy uit die boek.

Hier volg 'n samevatting van die kasset:

Die vrou sê sy word na die hel geneem, deur Yeshua. Hulle loop rond in die hel en sy sien dat daar verskillende potte van spesiale martelings is vir hulle wat nie die bediening vervul het waartoe Elohim hulle geroep het nie. Daar is baie meer in die kasset waaroor ek kan praat, maar net hiermee behoort jy te kan sien waarom mense na die altaar sou gaan, huil en berou, terwyl hulle om vergifnis vra vir sonde en oor hulle nie meer vir Yeshua gewerk het nie. Party belowe Elohim ernstig dat hulle beter sal doen, ens.

Dit lyk alles goed, net soos die vrou met die familiêre gees wat Paulus rondgevolg en gesê het: "Hierdie manne is dienaars van Elohim, die Allerhoogste." Dit het goed gelyk dat Paulus 'n lewende, wandelende en pratende kennissgewingbord gehad het om aandag te vestig op hom en dit wat hy gedoen het. Paulus het eindelik moeg geraak daarvoor en die gees uit haar gedryf.

Een van die dinge wat die Python op die kasset doen is om mense te kry om beloftes of voornemens te maak wat hulle nie op hulle eie kan nakom nie. Hierdie spesifieke kasset plant die idee dat as 'n persoon sondig en nie hulle roeping vervul nie, gaan hulle hel toe, *wat neerkom op redding tot die ewige lewe deur werke*. Mense maak beloftes voor by die altaar en wanneer hulle dit nie kan nakom nie, neem hulle aan dat hulle op pad hel toe is en gee op met alles van Yeshua. Jy kan sien hoe die Python se godsdienstige gees die lewe druk uit enige Christen wat in sy slagyster trap. Die persoon het probeer en nou doen hulle nie meer nie; hulle het opgegee.

Ek was al by mense wat gesê het dat hulle opgehou het om 'n Christen lewe te probeer lei omdat hulle in sonde verval het. Dit het gebeur omdat kerkmense vir hulle gesê het dat hulle hel toe gaan as hulle sondig. Hierdie is een van die taktieke van die godsdienstige Pythongees onder Elohim se mense. Hierdie gees verkondig altyd redding tot die ewige lewe deur werke, terwyl dit **die werk van die kruis verkleineer en ignoreer**. *Daar is 'n tipe verlossing (in die fisiese) wat deur werke verkry word, maar die Bybel is duidelik dat ons **redding tot die ewige lewe nie sal en nie kan verkry deur ons eie werke nie***. Redding is net deur die kruis! **Die Python verkleineer die offer aan die kruis; dit haat ons en dit haat Yeshua!**

Python sal belonings-skrifgedeeltes gebruik en sê dit is ewige redding skrifgedeeltes, terwyl dit mense vertel hulle is op pad hel toe.

Die Python kan mense verpersoonlik, selfs vir Yeshua en gevolglik mense weglei van Elohim af. Dit kan mense se stemme en voorkoms namaak omdat dit 'n familiêre gees bevat.

Onthou, Satan het Yeshua die koninkryke van die wêreld aangebied. Dus sien ons hoe maklik 'n gees iemand kan lei na rykdom en die begeertes van die vlees. Hier is deel van 'n advertensie van 'n spiritistiese medium wat beide liefde en dinge van die wêreld bied:

**e-pos vir 'n persoonlike astrologiese voorspelling!**

**"Ek het \$500,000.00 gekry...."**

**""n Fantastiese salaris...." "Die man van my drome...."**

Satan kom as 'n engel van die lig; dit lyk goed, maar dit is 'n leuen!

*II Korinthiërs 11:14 En geen wonder nie! Want die Satan self verander hom in 'n engel van die lig.*

## **Python Verkleineer die Offer aan die Kruis**

Ek was by 'n apostoliese byeenkoms en ek was deel van die raad. Daar was 'n klein groepie mans teenwoordig, wat probeer het om hulle eie doktrines te vestig, wat eenvoudig nie Bybels was nie – veelwywery onder andere. Hulle het probeer om die samekoms te infiltrer. By hierdie spesifieke byeenkoms het die leier van hierdie infiltrerende groep opgedaag. Die leier van die apostelbyeenkomste het ons, die raad, ingelig dat ons hierdie mans uit die byeenkomste sou moes skop.

Yeshua het my in die gang laat uitgaan en bid. Die gang was groot, met 'n snaakse vorm en barensnood het oor my gekom. Ek het in barensnood verkeer terwyl ek in 'n spesifieke deel van die gang rondgehoop het. Op een spesifieke plek was die barensnood so erg dat dit my op my knieë gebring het en ek was vir 'n tyd lank daar. Ek het gedink dit was vreemd. Toe die barensnood padgegee het, het ek teruggegaan in die byeenkoms in. Ek het geen benul gehad oor wat volgende sou gebeur nie.

Die byeenkoms was op die punt om te begin toe die leier van die apostelbyeenkomste vir die raad beduie het om in die gang uit te gaan, saam met die leier van hierdie groep mans wat hy wou uitskop.

Die raad het in die gang op presies die area gestaan waar ek in barensnood verkeer het. Die man wat ons wou uitskop was in dieselfde sirkel en op dieselfde plek waar ek sulke erge barensnood ervaar het. Natuurlik het ek dit interessant gevind.

Ek het reeds geweet dat hierdie man deur die Python (godsdienstige gees) beïnvloed was, omdat 'n ander broeder en ek met hierdie man 'n onderhoud gevoer het. Ons het verneem dat hy elke nou en dan hel toe gaan om gemartel te word sodat mense op aarde gered kan word! Hy het met ons gepraat oor daardie ervarings wat hy gehad het. Ek het geweet hierdie was die werk van die Python wat hierdie man se lewe beheer het, **terwyl dit die offer van Yeshua die Messias verkleineer.**

Soos ons in die gang gestaan het met hierdie man, het die Python gees voor my oë begin manifesteer. Die man met die Python gees het gaan sit, Indiaan wyse, op die vloer reg op die plek waar ek so erge barensnood ervaar het. Wanneer die man ook al met iemand van die raad gepraat het, sou hy opspring soos 'n slang, in daardie persoon se gesig wees terwyl hy sy woorde spoeg en dan onmiddellik weer kruisbeen op daardie spesifieke plek gaan sit. Dit het voortgeduur deur die hele ontmoeting. Dit het eienaardig gelyk, omdat almal gestaan het behalwe hierdie man, wat die Python gees in beheer van sy aksies gehad het. Dit het homself manifesteer in aksies as 'n slang.

Ons sien hoe beherend hierdie gees kan word, maar ons moet ook verstaan dat dit in ons daaglikse lewens kan opereer, ongesiens, **deur die offer van Yeshua te verkleineer** en alles wat Vader met die rivier van lewe aan ons stuur. Hy sal woorde (Rhema) van Yeshua verkleineer en die Woord (Logos) verdraai.

Let daarop dat in al die getuienis sover het niemand nodig gehad om iets op te roep nie; daardie gees was net daar, in volle werking.

### **Python Bevat Hoogmoed**

Yeshua het in die nag aan my openbaar dat Hy 'n sekere vrou van 'n gees sou bevry. Hy het aangedui dat dit tyd sou neem, maar Hy het nie vir my gesê watter gees die persoon gehad het nie. My vrou en ek het gegaan om hierdie vrou te sien en het vir haar gesê sy moet bid en uitvind.

Het ons geweet watter gees dit was en net vir haar gesê, sou sy dit waarskynlik nie aanvaar het nie, as gevolg van die gees se aard. Dit is waarom Elohim ons nooit die gees se naam gegee het nie. Sy sou nie die naam van ons ontvang het nie, uiteraard as gevolg van die gees se beheer, eie aan sy aard.

In gebed het Yeshua vir haar gesê die gees se naam was “Hoogmoed” en toe vra sy ons wat dit was. Dit het ons aangespoor om te bid en ondersoek te doen oor die hoogmoedige gees. Op die ou end het ons gebed en dit uitgedryf. Omdat Yeshua gesê het dit sou tyd neem, het ons geweet dat ons bloot ‘n proses begin het. Ons was seker dat Yeshua ons deur hierdie ervaring sou leer.

Omtrent ‘n week later het die persoon na my toe gekom en gesê sy het die gees in haarself geïdentifiseer en het inderwaarheid daarmee gepraat, wat haar laat voel het asof sy ‘n gesplete persoonlikheid gehad het. Wat het dit gesê? “Wie dink jy is jy om te dink jy kan van my ontslae raak?” Hoogmoed, nie waar nie?

Soos tyd aangestap het, het ons met haar gewerk en van die vrugte van daardie gees geïdentifiseer. Nadat ek haar vertel het, was sy onseker of sy ontslae wou raak van die gees! Daardie vrugte van hierdie spesifieke gees was ‘n onbewustelike kruk in haar lewe. Sy het gesê dat sy nog altyd so was en sy was bang om te leef sonder daardie dinge in haar lewe. Dit is die moeite werd om hierop te let; inderwaarheid was dit hoogmoed in haar om nie ontslae te wil raak van hierdie dinge in haar lewe nie. Yeshua het jare later vir ons gesê: “**Hoogmoed hou van hoogmoed**” en hierdie getuienis openbaar ‘n pragtige voorbeeld van daardie waarheid.

## **Persoonlike Ervaring met Hoogmoed**

As ek my eerste persoonlike ervaring met hoogmoed herroep, het ek gesit langs ‘n Christen man in ‘n eetplek en ek het iets vreemd van hom af oor my gevoel kom. Toe ek by die huis kom het ek onder aanval gekom van hierdie gedagtes wat ek opgevang het:

“Wie dink jy is jy? Jy was nie skool toe nie! Jy kan nie bedien tensy jou gesin in orde is nie! Daar is iets verkeerd, jy weet nie wat jy doen nie.” (Onthou die *Geestesbesweerder - Python* wat gepraat het “Daar is iets verkeerd?”) Selfde gees!

Ek was besig om verteer te word en op die punt om hierdie gedagtes ‘n deel van my te maak. Ek kon nie van hulle ontslae raak nie. Ek het na Elohim uitgeroep!

Hy het gesê, “**n Gees van hoogmoed het jou aangeval.**” Ek was onmiddellik vrygestel deur die waarheid van wat besig was om te gebeur. Ek het dit gevoel padgee. Dit was omdat ek die waarheid aanvaar het. As die gees in my gewortel was sou dit nie so maklik gewees het nie. Dit sou weer en weer teen die waarheid gestaan het omdat dit woonplek gehad het. Ek sou nie die waarheid so maklik kon aanvaar nie! Sê nogal iets, nie waar nie?

Hoogmoed onttroon die koningskap van Elohim in jou. Dit was hoogmoedig van Satan om te glo dat hy Elohim kon onttroon! Daar is ‘n bodem kant aan hoogmoedig ook. Die arme ek, in die sloot tipe gedagtes. “Jy is niks”, of “ek is niks” tipe gedagtes. In die Strong’s Greek Concordance is die nommer 1361 vir haughty:

*to soar- be lofty - exalt, be haughty, be higher, lift up, mount up, be proud, raise up to great height, upward*

Nommer 1364 sê:


*elevated, powerful, lofty, proud, exceeding proudly*

Onthou, die bese gees self is hoogmoedig. Die dame wat hoogmoed in haarself geïdentifiseer het, het gesê dat die gees gesê het: “Wie dink jy is jy om van my ontslae te wil raak?” Vir my het die hoogmoedige gees ook gesê: “Wie dink jy is jy?” ens.

Een keer het ek ‘n godsdienstige gees beveel om uit ‘n man uit te kom. Die gees het gemanifesteer (as hierdie selfde man) met ‘n groot kop omtrent 1 meter wyd en hy het omtrent 5 meter hoog voor my gestaan (onderstebo peervormig). Dit het neergekyk op my en gesê: “Jy kan nie van my ontslae raak nie!” Hoogmoedig, of hoe? Grootkop, nes Elohim openbaar het dit was. Ek het nog nooit ‘n persoon met ‘n godsdienstige Python gees gesien wat nie op een of ander stadium, op een of ander wyse, hoogmoedig was nie.

Ons het gesien dat Hoogmoed te doen het met trots en een van die simbole in die geestesrealm vir trots, is die beer. Dus sien ons dat hoogmoed ook verteenwoordig word deur die beer. Die simbool vir die godsdienstige gees (wat eintlik Python is), is ‘n beer met ‘n mensgesig. Dit bring beslis die Python (godsdienstige gees) saam met hoogmoed of trots; ‘n eenvoudige prent vir ons om te sien.





## Die Python is ‘n “Sterk Man”

Yeshua het gesê: *Niemand kan in die huis van ‘n sterk man ingaan en sy goed roof as hy nie eers die sterk man boei nie; en dan sal hy sy huis berowe.* Markus 3:27

Jare gelede het die Heilige Gees vir my Sterk manne gewys (omtrent 5) wat ‘n wedloop teen mekaar gehardloop het. Hulle was byna dieselfde geklee en het gelyk soos sumo stoeiers. Ek het een van hulle gesien uitrek en ‘n ander een aan die arm raak, asof hy hom wil terughou omdat hy net besig was om voor te kom. ‘n Wrede stoeiegeveg het plaasgevind tussen hulle sonder ‘n wenner. Die Heilige Gees het op daardie stadium geen rede gegee waarom dit vir my gewys is nie. Al wat ek gedink het was dat dit voorgekom het asof die Sterk Manne waarvan Yeshua gepraat het, reises teen mekaar gehardloop het.



Eers jare later het die Heilige Gees weer vir my ‘n deel van die toneel gewys. Sonder groot detail, was daar twee mense wie die Heilige Gees geïdentifiseer het dat hulle godsdienstige geeste gehad het wat mekaar beskuldig het dat hulle ‘n beherende gees gehad het en ek het beide kante gehoor.

Dit was toe dat die Heilige Gees vir my die deel van die wedloop gewys het waar die een Sterk Man uitgereik het om die ander Sterk Man wat besig was om voor te kom, te belemmer deur terug te stoot aan sy arm. Ek het geweet solank hierdie geeste in hierdie twee mense se lewens opereer het, was daar geen weners in die situasie nie. Ek het toe verstaan dat Elohim besig was om te openbaar hoe die Python gees 'n Sterk Man is waarvan Yeshua in Markus 3:27 gepraat het.

Nou om al hierdie saam te voeg in iets wat ons kan verstaan, deel ek 'n bietjie van wat hier gebeur het. Vir jare het ons almal teen godsdienstige, hoogmoedige geeste ens. gestoei, wat Elohim openbaar het in mense was, maar ons het nooit ten volle sukses behaal nie.

Ek gaan 'n paar gebeure hier lys soos Vader hulle almal bymekaargebring het sodat ek die prent kon sien:

1. Hierdie eerste gebeurtenis was 'n tyd gelede toe Elohim die godsdienstige Python gees met my behandel het. Ek was ingelig dat die godsdienstige gees almal geaffekteer het en in sommige mense was, maar dat ek dit nie gehad het nie, waarop ek herinner was aan die keer toe ek van die hoogmoedige gees bevry was. (Ek het op daardie stadium niks verstaan van die verbintenis tussen die godsdienstige gees en hoogmoed nie en dat hulle dieselfde gees [Python] is nie.)

Onthou die toneel waar die Heilige Gees drie handelinge, of gesigte van Python, openbaar het, maar toe ek in die fisiese deur hulle gestap het, 'n vierde onthul is?

2. 'n Evangelis in die Ivoorkus was op 'n verlengde vas en hy het geskryf om vir ons hier by Take His Heart te sê om teen die Python te staan; hy het hierdie inligting gestuur:

**Python = Die gees van godsdiens, agterlikheid, afluisterende geeste van die hel, waarsêery, ligsinnigheid, geen erns, maklike vergetery van openbarings en drome deur Yeshua gegee om die vyand te ontmasker.**

Ek was so bly om hierdie inligting te ontvang en het geweet dit was korrek. Dit het beslis ooreengekom met die tipes vrugte wat ons teëgekom het in sommige mense wat die Heilige Gees uitgewys het as dat hulle die Python gees, die godsdienstige gees, gehad het.

Ek kon die Python se betrokkenheid by ons daaglikse lewens duideliker sien. Elohim het meer as een keer met ons gedeel oor ligsinnigheid of geen erns. (Ons moet onthou, dit is 'n geestelike invloed en nie menslik nie.) Dit was gedurende hierdie tyd dat Yeshua no. 3 bymekaargebring het met 1 en 2.

3. Hierdie derde ding was Elohim wat openbaar het dat mense wat die Python het, dit nie uit 'n ander persoon kan dryf nie. Ek het gedink: "Natuurlik, 'n leuengees kan nie 'n leuengees uitdryf nie," ens. Die gees wat uigedryf word sal lag en kan die ander gees aanval.

*En Hy het hulle na Hom geroep en vir hulle deur gelykenisse gesê: Hoe kan die Satan die Satan uitdryf? 24 En as 'n koninkryk teen homself verdeeld is, kan daardie koninkryk nie bly staan nie; 25 en as 'n huis teen homself verdeeld is, kan daardie huis nie bly staan nie; 26 en as die Satan teen homself opstaan en verdeeld is, kan hy nie bly staan nie, maar hy kom tot 'n einde. 27 Niemand kan in die huis van 'n sterk man ingaan en sy goed roof as hy nie eers die sterk man boei nie; en dan sal hy sy huis berowe. Markus 3: 23-27*

Ons sien 'n verloop van gebeure ...as hy nie eers die sterk man boei nie; en dan sal hy sy huis berowe. Ons sien dat ons nie direk die sterk man kan uitdryf nie. Yeshua het openbaar dat jy die Sterk Man eers bind, wat hom magteloos laat, dan kan jy sy huis berowe.

Ek is deur die verskillende lerings rondom bind en losmaak, wat beide mekaar weerspreek. Dit het my bekommer, wetende dat die Sterk Man gebind moes word. Dit het eindelijk tot my deurgedring om net "die Sterk Man se krag te breek" in Yeshua se naam. As sy krag gebreek is, is hy magteloos en dan kan sy huis beroof word, sy vrugte.

Na ek gesien het hoe die Python op 'n daaglikse basis in ons lewens gewerk het; geleer het dat die Python 'n Sterk Man is wat verskillende manifestasies gebruik om te verberg wie hy werklik is; en Elohim my opdrag gegee het om dit te doen, het ek alles aan ons groep gerapporteer. Ek het gesê dat ons sou bid vir almal hier omdat Elohim gesê het die godsdienstige gees (Python) het almal geaffekteer en manifesteer in en deur sommige mense (hulle het dit reeds geweet). Ek het vir hulle gesê dat ek die krag van Python in hulle lewens sou breek, terwyl almal van ons die Heilige Gees na die beste van ons vermoëns daartydens volg.


Toe dit plaasgevind het, het die Heilige Gees deur die groep bevestig wat besig was om plaas te vind. Volgens my, sou ek sê dat **hierdie gebeurtenis beslis uitstaan** as 'n draaipunt, weg van in sirkels hardloop, weg van geestelike invloede in mense se verstand en lewens, na goeie vrugte in die voortgang met Yeshua. **Daar was 'n uitstaande verandering in die geestesrealms wat deur hierdie gebeurtenis meegebring is!** Bevryding wat ek al vir jare verwag het, het plaasgevind. Mense is in baie opsigte meer in beheer van hulle denke. Dit is 'n voortdurende bevryding!

Elohim het al vir Christene vertel dat hulle hierdie gees het, deur die gebruik van die woorde – godsdienstig – familiêre gees – Python. Hoekom? Omdat Hy wil hê ons moet daarvan bevry word. Hy veroordeel niemand! Dit is omdat ons nie hand aan hand met Yeshua kan loop as ons hierdie geestelike invloed het wat deur ons lewens werk nie. Maar:

***"Ons het die oorwinning ... die hemel is aan ons kant."***

## Python – Hemelse Howe

*Lukas 11:36 As jou hele liggaam dan verlig is en nie enige deel het wat donker is nie, sal dit heeltemal verlig wees, net soos wanneer die lamp met sy skynsel jou verlig.*



**Die volgende is 'n transkripsie van 'n telefoongesprek** tussen my en 'n pastoor wat ek ken. Die woorde in kursief was deel van die telefoon gesprek. Vroeër het hy ons groep gevra om vir bevryding te bid vir sy vrou. Toe ons dit gedoen het, was daar meer barensnood as gewoonlik. Daar was 'n tydsverloop tot die pastoor geweet het dit was tyd vir sy vrou se bevryding. Die pastoor aan die woord: *"Toe ek hierdie ding begin beveel het om uit te kom, het my vrou onmiddellik in die gees inbeweeg en het sy gevoel asof sy verdrink onder water.* (Dit het vir my sin gemaak soos ek leer en dinge bymekaarvoeg en Yeshua vir my dinge gewys het.) *Sy het gesê dat sy dit nie wou doen nie. Sy het gesê: 'Ek voel asof ek verdrink.' Ek het vir haar gesê: 'Dis reg. Ek sal nie padgee voordat – ek gee nie om nie, of dit vier, vyf, ses ure vat nie – wat ook al dit verg. Ons sal jou nie in daardie plek los nie.'* Dus het ek haar daarmee verseker. Maar sy het gevoel asof sy verdrink."

Ons het begin deurgaan. Daar was verskeie onderbrekings in die proses jy weet, om te stop en te wag, as gevolg van die dinge wat ons gesien het. Sy was in hierdie donker plek en sy het geweet sy was onderwater en dit was donker. En dit het my herinner aan die meer waar die Python swem. Maak dit sin? In elk geval, hy trek die persoon af. Sy het geweet sy was op pad af en sy het gesê:



‘Hierdie ding is baie vinnig in die water.’ Ek het hom begin beveel om uit te kom en hy het soort van uitgekom, maar ook nie. Sy het gesê dat sy hom half sien gryp het na hierdie ronde borrel ding onder in die water wat wit goed ingehad het, jy weet? En sy het gesê dit (die borrel) was nooit buite sy bereik nie.

“Hulle was egter steeds onderwater, sy was onderwater. Sy was daar onder in en dit was donker. Sy kon nie sien nie, maar sy het geweet sy was besig om te verdrink; sy kon die water reg rondom haar voel.

“Die eerste ding, ek dink nou ek het dalk van hierdie dinge uit volgorde; ons sal dit moet deurgaan, omdat sy dit alles wil neerskryf. Een van die dinge (ek mag een uit volgorde hê) wat ons gesê het was: ‘Yeshua, wat is dit? Wat gee hom hierdie reg om daar te bly?’ Hy het my vrou teruggeneem en Hy het gesê, ‘**Julle werp julle pêrels voor varke** (nie-wedergebore siele).’ Hierdie is een van die dinge wat dit regte gee. Skielik het Hy vir haar ‘n houer met al hierdie groot pêrels in gewys. Hy het dit skuins na haar toe uitgehou en wat sy moes doen, was om werklik terug te gaan na al die tye wat sy kon onthou en nie onthou nie, waar sy iets gesê het, ‘n openbaring, of selfs ‘n saak vanaf Elohim ontvang het – en pleks daarvan om dit sommer net met enigeen te deel – moes sy eerder wag vir wanneer Yeshua wou hê sy dit met mense moes deel – sy was dan veronderstel om agterna berou te hê oor haar impulsiewe optrede. Al hierdie dinge het dit (die gees) regte gegee. Dit was een van die dinge wat dit regte gegee het. En hoe ek glo dit daardeur die reg gegee word is die volgende: Eerstens, omdat dit ‘n godsdienstige gees is, verruil jy die lewende Woord, jy dryf handel daarmee, jy gee dit dus inderwaarheid vir die godsdienstige gees. Jy nooi die godsdienstige gees, die Python gees uit. Ek gaan dit ‘n godsdienstige gees noem omdat dit beter pas. Jy verruil werklike juwele met godsdienstigheid. Jy deel hulle... dit word godsdiens eerder as verhouding.

*“(Ek soek vir woorde.) Toe begin ek hierdie ding beveel om weer uit te kom in die naam van Yeshua, terwyl ek die bloed van Yeshua oor haar spreek selfs in daardie poel waar dit haar gehou het. Toe het sy gesê dat sy opgemerk het haar kop was besig om uit die water te kom. Sy het gesê: ‘Hierdie ding is vinnig, dit kom reguit na my toe!’ “Teen hierdie tyd het ek gesê: ‘Goed Yeshua, Vader, Allerhoogste Elohim, ek wil hê U moet hierdie Python gees na die Hemelse Howe neem. Ons wil die regte daarvan uitvind.’*

*“Op daardie stadium in die gebeurtenis het Yeshua my vrou na haar ouma toe geneem. Hy het vir haar ‘n klein dogtertjie gewys van omtrent 7-9 jaar oud en hoe sy oor gesinne gevoel het. Elke keer as sy sou kwaad word oor iets van haar gewese man, sou sy regtig steeds kwaad word en dan ook kwaad word vir Elohim. En dit het dit toegang gegee, nog ‘n houvas op haar. Al hierdie dinge is verwant aan mekaar. Hoe ook al, hierdie klein dogtertjie... (Hierdie dinge was voor die klein dogtertjie.) Dit was nog iets wat onderwater plaasgevind het. Yeshua het vir haar gesê dat dit basies nog iets was waarop hy (Python) aanspraak het. Sy (die ouma) sou kwaad word vir my vrou omdat sy nie iets vir haar broer gedoen het nie en dan op die ou end vir Elohim blameer en vertel hoe gesinne nie so behoort te wees nie; en dis waar. Dit het egter ‘n woede daaroor opgebou en op ‘n manier was dit verwant aan die Python, waar sy die wysheid en begrip van Elohim verwerp het. Dus as jy kwaad word vir Elohim – (en hierdie het in ‘n paar tonele na vore gekom) lyk dit asof woede teenoor Elohim die Python ‘n vesting in jou lewe bied; die godsdienstige gees, omdat dit voorkom dat as jy kwaad word vir Elohim, is jy in godsdiens. Dis moeilik om te verduidelik. Hierdie is dinge wat ons letterlik deurgemaak het en hoe dit alles bymekaarkom in ‘n poging om sin te maak van die hele storie.*

*“Toe was sy uit die water uit; sy het die golwe bo-op die water gesien en soos sy besig was om op te kom, was dit nie so donker en vuil nie en daar was iets soos lae in die water. Nou was haar kop uit; die Python was nie uit nie, maar haar kop was uit érens net onder haar kop na haar bors toe. En so is sy stadig besig om los te kom.*

*“Die volgende ding was daardie storie van haar ouma; toe sy die klein 7-9 jarige dogtertjie gesien het en dat sy altyd kwaad was vir Yeshua as gevolg van die dinge wat met haar gesin gebeur het. In elk geval, ek het gesê: ‘Wel, ons sal Yeshua moet inlaat op hierdie een, omdat daardie appeltjie met Hom te skil is.’ Sy het ‘n grief teenoor Yeshua gehad, ek kon nie daarmee deel nie.*

Dus het ek gesê: 'Meester Yeshua, ek vra U om af te gaan en met hierdie klein dogtertjie te praat, dit is teenoor U.' En 'poef', was hy daar. Sy het vir Yeshua vertel dat sy gegrief en kwaad was oor wat met die gesinne gebeur en hoe al hierdie mense hel toe gaan en dat sy vir hulle seer het.

"Yeshua het gesê: *'Wel, Ek het ook seer vir hulle. Ek voel vir hulle.'*

"Dit het haar nie tevrede gestel nie en sy het net kwaad weggedraai en sy het gesê Yeshua het nooit beweeg nie, Hy het gebly net waar Hy was.

"Ek het gesê: 'Yeshua, wat is dit wat dit doen?'

"Yeshua het haar onmiddelik teruggeneem na haar ouma. Beide oumas in hierdie geval, maar ons deel met die eerste een eerste. My vrou was 7-9 jaar oud toe sy haar hierdie dinge vertel het; sy was baie godsdienstig; sy was 'n vroom vrou, maar het steeds hierdie kwellings gehad rondom gesinne en Elohim wat hulle hel toe laat gaan en pynig of wat ook al en my vrou het dit geglo. Sy was gered op 4, en omrede haar ouma 'n vroom vrou was het sy dit geglo; en hier is een van die sleutels wat ek ook opgemerk het: As jy 'n **onwaarheid** oor Elohim glo, gee dit die Python regte.

"Nou was my vrou uit die water en op die oewer, op die rant daarvan – maar uit die water uit. Python was steeds binne die water en hy het sy kop uitgesteek. Toe het sy vir my gesê: Hy het skielik geskree: "Ek het regte, ek het regte!" Dit was skreeuend, jy weet. Sy was egter uit die water. Die volgende ding wat sy gesê het was: 'Ek sien hierdie eenaardige wese loop op hierdie wit platvorm.'

"Ek het gesê: 'Ons is in die Hemelse Hof, skat. Daardie wit beteken geregtigheid.'

"Sy het gesê: 'Dit lyk of hy soek na papiere oor iets.'

"Ek het gesê: 'Hy soek na die regte oor dit waarop hy aanspraak maak.' Dus het ek gesê: 'Wat is hierdie regte wat hy het? Ons het berou en wil dit regstel.'

"En toe vat Hy haar na 'n ander ouma toe, die ander ouma, reg? En sy sien haarself omtrent 3 jaar oud, naak in die bad, en haar ouma (nog 'n vroom vrou met pyn) wat haar vertel... Ek het vergeet wat sy haar vertel het... Maar sy het haar weer iets vertel wat van balans af was – van haar pyn in haar hart, met Elohim, oor ander mense, of wat ook al, reg?



En my vrou het dit geglo; omdat sy gesê het sy was 'n vroom vrou. In elk geval, en wat ek hierdie noem (wat sy van haar ouma ontvang het toe sy 3 en 5 was) was inderwaarheid oorerflike geeste. Deur hierdie oortuigings het dit die geeste oorgedra. Maar dit kom deur 'n onwaarheid te glo. Ek hou aan om dit te sien. Ek sien dit in elke enkele ding.

“Nou was sy uit die water uit en Python het uit die water begin kom. Sy het gesê: ‘Sy kop is in hierdie water, hierdie swembad!’ Ons sal dit ‘n swembad noem, reg, want hierdie swembad is in die Hofsaal. En hy was in dit. Soos hy uitgekom het, het die water helder geword. En sy het gesê: ‘Hy het die water donker gemaak!’ Wat gebeur het was nou toe hy besig was om uit te kom, op pad uit was, het sy gesê: ‘Sy kop is soos ‘n dinosorus en hy het tande!’ Soos hy uitgekom het, het hy afgekyk na die water in die hoek van die swembad wat helder water was en daar was ‘n donker deel daar. Dus het ons onmiddellik met die Regter in die Hofsaal gedeel.



“Ons het gesê: ‘Regter, wat is daardie in die hoek van die swembad wat donker is; wat is die regte, sodat sy dit kan bely?’ En sy het dit ook gevra.

“Soos my vrou nader gekom het, het sy gesien dat dit bloed en papier was, bruin papier, stukkies daarvan. Die bloed het familiebande beteken; ons het dit begryp. En die papier, weer eens is dit dalk aan daardie ouma verbonde. Hoe ook al, dit was die oortuigings wat sy gehad het oor gesinsbande, oor gesinne, en sy het weer in haar hart teen Elohim gesondig. Na my vrou bely het, het sy die vloek van daardie oorerfde gees weer gebreek. Dus het ons daardie twee verbind. Wat gebeur het is dat dit opgeklaar het in die water. En toe het dit padgegee en die water was helder, maar my vrou het in haar hart geweet hy was nie weg nie.

“En sy het die Regter gevra: ‘Watter ander regte het hy? Ek wil bely!’ En toe het Hy (Yeshua) vir haar in die water gewys, Hy het haar afgeneem in die water in en van baie naby gekyk en baie naby gekom en sy het gesê: ‘Die poel water het gelyk of dit van binne verlig is, soos ‘n gloeilamp. Dit was egter terselfdertyd troebel. En in die water het al hierdie stukkies van iets gedryf.

“Yeshua het gesê: **‘Daardie is onwaarhede wat jy geuiter het.’**



*“En toe het Hy haar weer gewys op 7-8 jarige ouderdom. Wat volgende gebeur het was dat sy berou het van die gedagte van al die woorde met onwaarheid, sy het om vergifnis gevra en dat hulle almal vervang word. (Sy het hulle gespreek, verwerp, gebreek en dit basies op elke ding gedoen.) Sy het vir die gees van waarheid gevra om dit alles met waarheid te vervang. Toe wat gebeur het was dat hulle almal in borrels verander het en almal het opgekom na die oppervlak, waar hulle gebars en weggegaan het. Hierdie het vir ‘n ruk geduur; ek het gewag.*

*“Toe het Yeshua haar in die poel water gesit; van die oewer het sy nou haarself in die poel bevind en sy het gesê: ‘Ek is in die poel, maar ek is ‘n miniatuur persoon.’*

*“En ek het gesê: ‘Nee, skat, die rede waarom Python hierdie hele poel opgeneem het is omdat hy uiters groot was – en jy – daardie is jou korrekte grootte in verhouding met die poel.’ Sy het soos ‘n miniatuur persoon gelyk in hierdie groot oseaan van water.*

*“En sy het gesê: ‘Ek kan baie vinnig daarin swem.’ En sy het haarself daarin geniet.*

*“Toe skielik het ons gevra of daar enigiets anders in die Hof van die Hemel was wat hom ‘n reg gegee het. Oomblikke later het my vrou gesê: ‘Ek het skielik weggetrek reg uit die Hofsaal uit, reguit op in die lug in – wroem! – teen ‘n geweldige hoë spoed. Alles het klein geword onder my. Nou is ek terug en ek sit hier op die bed by jou!’ Net so vinnig was dit verby. Hof verdaag.*

*ROY: Klink vir my asof die Heilige Gees ‘n bietjie opleidingswerk gedoen het.*

*PASTOOR: Sy moes dinge bely; ek sal dit gaan doen omdat ek besig is om te leer.*

*ROY: Dis hoekom Hy dit so gedoen het sodat ons daaruit kon leer.*

*PAST: **Die sleutel**, in alles daarvan, was (die fout) om onwaarhede as waarhede te aanvaar.*

*ROY: Dit maak sin, want as jy van daardie leuens ontslae raak, raak jy van die gees ontslae.*

*PAST: Wanneer jy die waarheid ken, moenie dit uitdeel nie, die pêrels, bedoel ek.*

*ROY: Dit is verstommend!*

PAST: Wild, né?

ROY: Dit is iets anders!

PAST: Dit was een van die hoof dinge op die lys.

ROY: Hy het soort van met ons gedeel daaroor, maar ek het nie besef dit was so kritiek nie.

PAST: Op elke liewe ding sou sy sê: "Nee, nee, ek glo dit nie!"

ROY: Ek verstaan.

PAST: Sy sou sê: "Wat het dit hiermee te doen?" Selfs al die dinge oor haar oumas. Ons het daardie rigting geloop: "Nee, nee, ek aanvaar dit nie." En sy sou my nie vertel nie en dan eindelijk het sy gesê: "Ek sal jou sê, maar moenie vir enigiemand vertel nie."

Ek het gesê: "Reg, ek sal daarby berus." Maar teen die tyd wat ons klaar was het ek gesê: "Wat daarvan as ons hierdie met Roy deel?"

Toe sê sy: "Asseblief, doen dit." Toe maak dit alles sin. Ons het dit saamgevoeg van hierdie onwaarhede en die goed soos dit. Selfs om Elohim te blameer. Dis die ander een. As jy Elohim verwerp (Rhema, "sake van die Gees") dan aanvaar jy die godsdienstegees.

ROY: Jy kan sien waarom dit 'n deur sou open.

PAST: Al hierdie het soort van opgehoop, jy weet. Omdat elke keer wat sy uitgekom het vanuit die diep donkerte, deur die oppervlak van die water en tot op die oewer, sou sy steeds met nog goed moes deel. Ons het geleer van die hofsaal oorlog, jy weet. Ek het gesê: "Ek is vasbeslote hieroor; ons gaan uitvind waar hierdie regte is." En elke keer wat ons gevra het was die waarheid openbaar en dan moes ons net begrip verkry deur die Gees van wat dit was.

ROY: Kan ek hierdie met die groep (hier) deel?

PAST: Absoluut. Ja, want ons almal leer. Ons weet nie hoe hierdie dinge werklik gebeur nie; ons is onkundig oor hoe baie van hierdie dinge toegang (in ons) het. Ek sê jou een ding: dit is 'n grote!

ROY: Daar is 'n rede waarom Hy dit nou openbaar. Dit moet wees waarom ons al die barensnood en gebede gehad het om hierdie voort te bring. Dit maak nou sin.

*Ek dink ek het vir jou gesê dat ek meer barensnood gehad het vir haar as vir enigiemand waarvoor ek ooit gebid het (ten opsigte van Python). Jy weet, die duur daarvan. Maar natuurlik weet ek nooit waarvoor dit is nie. Ek reken hierdie is waarvoor dit was, om hieraan geboorte te gee, waar ons al hierdie inligting kan kry.*

*PAST: Ons was om elke draai verras. Omdat ons nie weet wat hierdie is nie. As Yeshua jou iets wys, beteken dit daar is 'n rede, daar is 'n verband tussen wat Hy jou wys en wat aangaan, altyd. As Hy dit doen, weet jy dis waarheid, dit hou verband en dit is reg.*

*ROY: Dis hoe dit is met drome en visioene en die hou van die Vloeddiagram. Jy wil altyd aandag gee en weet wat aangaan. Dit wys jou altyd. Dis fantasies, as jy daaroor dink.*

*PAST: Werp dit meer lig op die dinge wat Elohim daar vir julle gee?*

*ROY: Ek dink meer diepte ook, jy weet. Ons kan dit ook nie regtig verduidelik nie; maar ek sou sê dis meer diepte.*

*PAST: Die een ding wat ek probeer aanmekaarsit en waarvoor ek nie 'n antwoord het nie: sy het die Python geken, soos dit in hierdie poel gebly het en dit baie troebel gemaak het en my vrou in hierdie geval het veroorsaak dat dit troebel word met donker plekke op die oppervlak, maar dit het werklik donker en troebel geraak wanneer Python dit betree het.*

*So daar was 'n mate van besoedeling wat eers moes plaasvind voor dit donker kon word, regtig donker. Reg? Nou hierdie poel was op een tyd Lewende Water. Wat op die webwerf is (waar hy leef in die Logos) is 'n vuil poel, maar dit word reeds deur hom bewoon.*



*Dit was voorheen skoon. Dit was voorheen Lewende Water. En dit het so besoedel geraak; met ander woorde dit was besoedel genoeg tot waar dit vir hom 'n reg gegee het om totale dood oor daardie water bron te bring.*

*ROY: Dit maak sin. Dis soos in die Tuin; die Satan was toegelaat om in te gaan, maar ek reken dinge was nie oombliklik nie, jy weet, regtig sleg nie.*

PAST: Dit moes besoedel word deur die persoon; dit is waarskynlik die poel van Lewende Water wat Yeshua gesê het in ons sou wees, en die poel van Lewende Water moet besoedel word met 'n mate van besoedeling...vir hom (vyand) om werklik daarin te kan leef en dit volkome te besoedel.

ROY: Dis regtig interessant. Net omdat 'n persoon glo in iets wat verkeerd is, beteken nie hulle het die Python nie. Maar daar is ook mense wat totaal deur die ding beheer word.

PAST: Maar dit sê dit maak die weg oop daarvoor. Dit is die weg; die weg van onwaarheid; om Elohim te blameer; om leuens as waarheid te glo, alles in Elohim se naam. Daardie tipe leuens, leuens oor Elohim, dat Elohim 'n sekere manier is – terwyl Hy nie werklik so is nie. (Elohim het 'n persoon gevra, “*Is jy lief vir My vir wie Ek is, of vir wie jy dink Ek is?*”) Geen wonder hierdie gees maak amok nie. Die hele kerk is vol daarvan, omdat die waarhede deur tyd verlore geraak het; glo jy dus die leuens van Python; hulle besoedel die Lewende Water van binne en dit word toegelaat om permanent daar te leef met 'n sekere mate van besoedeling, soos 'n huis. En dit het by my vrou ingekom op die ouderdom van 43; die water was vir baie jare besoedel. Toe skielik het die water die punt bereik waar dit genoeg besoedel was dat Python daarin kon leef.

ROY: Sy weet dat dit op 43 was?

PAST: Sy weet dit. Dit was die datum wat sy gegee het; sy het gesê 43. So, hoe sy dit uitgewerk het weet ek nie. Sy het deur jare en datums en gebeure gegaan. Sy het vir 'n goeie 5-6 jaar teenoor my gekla daaroor. Soms het ek dit afgemaak.

ROY: Hierdie is alles fantasties.

Die Python gees gee graag openbaring oor Elohim se woord. Dit is dol daaroor om interpretasies te gee van die dinge van Elohim. Dink oor wat in die tuin gebeur het! Satan, uitgebeeld as 'n slang, het vir Eva die interpretasie of openbaring gegee van wat Elohim sou gesê het. Satan sê (in beginsel): “Elohim het nie bedoel wat Hy gesê het nie, hierdie is eintlik hoe dit is.” Satan het Elohim nogal goed aangehaal, maar met sy eie verdraaiing. Die Python sal dieselfde ding doen! Dit het te doen met die Python wat leef in die “donker water” (Logos Woord van Elohim) aan die begin van hierdie afdeling. (Sien: Wat? 'n Godsdienstige gees? bl. 10)

*PAST: Al die onwaarhede, om Elohim te blameer en sulke dinge. Dit bou op met tyd.*

*ROY: Dit is fenominaal om te weet, omdat dit jou 'n bietjie insig gee oor hoekom dit sommige mense affekteer en ander nie.*

*PASTOOR: Jy kan temperamente ook in werking sien tree. Mense wat meer barmhartig of wat ook al is; my vrou is 'n baie ontfermende persoon. Ek bedoel Elohim balanseer dit eintlik nou en het al vir 'n aantal jare. Maar die temperament van die persoon speel 'n rol, sowel as hulle diep gevoelens oor sekere dinge; of hoe hulle grootgemaak is en selfs 'n troeteldier kan by die begrip hier inkom van hoe hulle hierdeur geaffekteer was, of nie. Dit is mense wat meer ontfermend is.*

*ROY: Vir my is dit diep, dis openbarend.*

*PASTOOR: Dit was 'n groot poel van lewende water in haar. En sy was in dit; sy kon baie vinnig swem. Sy het aan die einde gesê dit was kristalhelder en verlig, asof dit gegloei het.*

*ROY: As jy nie gedoen het wat jy gedoen het nie, sou jy nie geweet het wat jy weet nie.*

*PAST: Ongetwyfeld. Jy weet nie hoeveel ek deur haar geleer het nie. Deur net met haar deur dinge oor die afgelope 12 jaar te stap; dit het begin deur net 'n paar dinge te leer en soos Elohim my deur intense lering geneem het rondom MPD, sataniese rituele mishandeling, en al hierdie goed, baie jare tevore. Ek leer soos ek gaan. En toe het ek na Tom Hawkins toe gegaan en ons het tyd in die seminaar gespandeer en hy het ons geleer oor die Howe van die Hemel en hoe dit gewerk het. So ek het dit geïnkorporeer.*

*ROY: Jy was in die posisie en voorbereid om te kan doen wat jy gedoen het.*

*PAST: En Python het geskree oor hierdie regte. Ek het gesê: "Nee, ons gaan Hof toe hieroor – ons gaan uitvind watter regte jy het." En sowaar; dit het gewerk soos 'n bom. My vrou het selfs hierdie eienaardige wese gesien rondloop op 'n wit platvorm, terwyl dit deur papiere en goed gekyk het; jy's in die Hof. Maar weet jy, een ding wat netjies is van die Hof van die Hemel: Yeshua sal jou daar inlaat en as jy gewillig is om berou te hê en te verander, sal Hy vir jou elke reg wys; Hy sal dit alles uitbring.*

*Kom ons stel dit so: die Hof van die Hemel is tegemoedkomend vir die gelowige wat wil verander en berou het, want dit sal niks terughou nie. Dit is 'n Hof van Waarheid en Geregtigheid. En al skree die vyand: "Ek het regte!" al wat daardie persoon moet sê is: "Watter regte het jy? Ek wil weet!" Met ander woorde, dit sal openbaar word en hulle sal die geleentheid hê om berou te hê en te verander. Hulle sal nie iewers heen gevonniss word nie. Al wat hulle moet doen is om vergifnis te vra in die naam van Yeshua en daardie kosbare bloed wat daarvoor betaal het; man ek sê jou daar is niks wat dit kan stop nie. En dan is daardie goed uit hul besigheid uit. Is dit nie fantasties nie?*

**ROY:** Wat 'n getuienis!

*PAST:* Sy is vry. Sy het gesê sy was moeg, uitgeput van wat sy deurgemaak het; dit het ons waarskynlik omtrent 2 ure geneem om deur hierdie hele ding te gaan, omdat daar wagperiodes was tussen dinge wat gebeur het – te wag op Elohim. Ons het saam gebid voor ons begin het. Dit was nie hieroor nie, maar soos ons opgestaan het, het ek net gevoel nou was die tyd. Sy het gesê sy is uitgeput vandag. Sy het gesê vandag was nie dof nie, maar dit was wasig. Sy het vandag deur 'n wasigheid gegaan, deur baie daarvan. Haar siel was eintlik besig om deur die verandering te gaan, selfs nou. Een van die dinge wat ek nog altyd aan haar opgemerk het en ook aan myself, is wanneer sy deur so iets gaan sien ek nie dadelik die verandering nie. Ek merk dit op oor die daarop volgende dae, weke of maande, jy weet, omdat dit dan in haar siel, haar houdings en haar emosies geïnkorporeer word. Maar sy het gesê sy voel dit net daar, dadelik en nou. Sy het hierdie nuwe deel van haar wat sy soort van apart voel, maar ook saam. Dit smelt alles soort van saam. Dit maak dit makliker vir my om haar deur dinge te neem omdat dit so werklik is vir haar... (Einde van telefoongesprek.)

## **Openinge vir Python:**

- ✓ Om pêrels voor nie-wedergebore siele te werp sonder Yeshua se instruksie.
- ✓ Om die wysheid en begrip deur Elohim gegee ten opsigte van enigiets, te verwerp, of dit persoonlik of doktrinêr is.
- ✓ Om 'n onwaarheid oor Elohim te glo (enige onwaarheid).

- ✓ Onwaarhede wat jy uitgespreek het (dit maak nie saak of jy nie geweet het dit is onwaarhede nie).

-----

Ons is bly dat die Heilige Gees die pastoor en sy vrou hierdie ervaring gegee het. Dit het nie net sekere dinge bevestig wat ons reeds besef het nie, maar dit het kennis verskaf van sommige openinge waarvan ons nie bewus was nie.


Vir jare het ek vir mense gesê dat bevryding van hierdie gees 'n proses is en as jy valse doktrine ondersteun (enige onwaarheid), gee jy plek vir die Python. Dit is bevestig deur die donker water in die hoek van die poel en die feit dat as die donker water groot genoeg word, kan die Python dit binnegaan en die persoon in totale duisternis hul, wat hulle onkapabel maak om die waarheid te sien.

'n Prent van verlossing wat 'n proses is, was bevestig deur die feit dat die pastoor se vrou steeds moes deel met 'n paar dinge, selfs nadat die Python uit die poel was. Hierdie is 'n waarheid wat ons almal in gedagte moet hou.

Omdat ons vir jare 'n *Korporatiewe Vloeidiagram* gehou het, kan ons in mense se lewens sien hoe die verwerping van "sake van die Gees" wat korporatief en individueel met die *Rivier van Lewe* na ons toe afkom die Python in die situasie inbring. Elohim het vir ons gesê dat hy aan ons alles wat hy ons geleer het sou demonstreer. Danksy die rekords wat ons gehou het, kan ons reeds in mense se lewens die demonstrasie sien van wat openbaar word in hierdie ervaring.

*Lukas 11: 36*

*As jou hele liggaam dan verlig is en nie enige deel het wat donker is nie, sal dit heeltemal verlig wees, net soos wanneer die lamp met sy skynsel jou verlig.*



# Die Verstand van die Mens / Python

## My Verstand

### Petrus se Ervaring

#### Die Tuin


#### Onwaarheid, Vlekke in die Poel

### My Verstand

Jare gelede wou ek ontslae raak van aanhoudende groot hoeveelhede gemors e-pos. Ek het geweet dat ek van die rekenaarlêers nie kon verander nie as gevolg van die bestellings wat ons vir verskillende materiaal gehad het. Die drukker het nie gewerk nie, dus het die bestellings opgegaan en vir een of ander rede was daar nie harde kopië van gemaak nie. Op daardie stadium het dit verskeie stappe op my rekenaar en op die webwerf vereis om 'n verandering mee te bring.

Wat gevolg het was 'n ketting van gebeure wat ek nie kon glo kon gebeur nie. Nadat ek alles vooraf oordink het, was ek ten volle daarvan bewus dat ek sekere posbusse nie moes uitwis nie. Ek het in my gedagtes hiervan 'n nota gemaak en die adresse begin verander en nuwe posbusse begin oopmaak. Ek was moeg van die rommel in die masjien en om hierdie gedaan te kry het eenvoudig lekker gevoel. Ek het heen en weer van die webwerf af beweeg. Dit was maklik en ek het 'n ordelike patroon gekry om dit te doen. Toe die patroon gevestig was, onthou ek hoe ek gedink het: "Hierdie is so wonderlik, niks meer rommel nie," toe raak ek meer aggressief om dinge te verander! Toe ek klaar was het ek gesien dat ek al die posbusse uitgewis het, insluitend dié wat ek baie goed geweet het ek nie moes uitwis nie. Ek het doelgerig geraak, gefokus op wat ek gedoen het en nie besef ek het oor die streep getrap voor dit te laat was nie. Ek kon dit nie glo nie. Hierdie was belangrike lêers vir Yeshua se gebruik. Ek was apologeties teenoor Yeshua en het begin om hulle vanaf die hardeskyf te probeer herwin.

In 'n toneel die volgende oggend het ek gekyk na my brein. Ek het dit uitgebeeld sodat jy 'n idee kan kry van wat ek gesien het. Ek kon die aktiwiteit van my brein reg deur dit sien (wit sterre) en 'n lyn van "gedagtes" deur die middel.





Ek was gewys hoe die Satan sekere “gedagtes” in my verstand geplaas het op die presiese tyd wat nodig was, uitgebeeld deur die geel ster. Soos ek gekyk het, het ek geweet dat hierdie gedagte op daardie spesifieke oomblik met my wil en emosies ooreengestem het. (Emosies was blykbaar ‘n sneller of iets.) Yeshua het gesê: “**Jy was nie in beheer van jou verstand nie,**” en Hy het my gewys vir hoe lank dit so was, uitgebeeld deur die rooi met die gedagtelyng langs.

Ek het wakker geword met die insident so helder in my gedagtes asof dit net ure tevore gebeur het. Ek het besef dat die Satan my emosies veroorsaak het en met my wil soos dit was, was hy inderwaarheid vir ‘n tyd in beheer van my gedagtes, totdat die aksie teen Elohim voltooi was! Dit was vir my baie interessant omdat ek geweet het ek kon nie beheer kry van my verstand tydens daardie periode van tyd nie, al wou ek. Dit was asof ek in ‘n tunnel was en daar was geen uitweg nie.

Dit herinner my aan toe die gees van woede my beheer het. As dit begin het, kon ek dit nie beheer voor dit oor was nie. ‘n Dame wat ek ken het gesê sy kon Python nie stop nie al het sy skielik geweet dat dit in haar opereer terwyl sy tydens ‘n byeenkoms gepraat het. In ‘n toneel aan my gegee oor wat met haar gebeur het, het die Heilige Gees openbaar dat die Satan homself betrokke was by die insident. (Lees in Satan en Bose geeste Boek 1 hoe die Satan elke persoon op hierdie aarde kan besoek in ‘n 24 uur periode.)

## **Petrus se Ervaring**

*Maar Hy het omgedraai en vir Petrus gesê: **Gaan weg agter My, Satan! Jy is vir My ‘n struikelblok, omdat jy nie die dinge van Elohim bedink nie, maar die dinge van die mense.***

Kyk wat het so pas gebeur:

### **Mat. 16:21-23**

*Van toe af het Yeshua begin om sy dissipels te toon dat Hy na Jerusalem moes gaan en veel van die ouderlinge en owerpriesters en skrifgeleerdes moes ly, en gedood en op die derde dag opgewek word. Toe neem Petrus Hom opsy en begin Hom bestraf en sê: Mag Elohim dit verhoed, Here, dit sal U nooit oorkom nie! Maar Hy het omgedraai en vir Petrus gesê: **Gaan weg agter My, Satan! Jy is vir My ‘n struikelblok, omdat jy nie die dinge van Elohim bedink nie, maar die dinge van die mense.***

Yeshua het met die Satan gepraat, nie met Petrus nie! Dieselfde ding het met Petrus gebeur wat met my in my verstand gebeur het, sowel as hierdie dame wat ek genoem het wat gepraat het in 'n byeenkoms. Die Satan het gedagtes of 'n gedagte in Petrus se verstand geprojekteer op die korrekte oomblik en dit was aanvaar as gevolg van Petrus se wil, emosies en wat hy geglo het. Petrus was hoogmoedig teenoor Yeshua deur te verwerp wat Hy pas gesê het. Yeshua het pas vir hom die plan van Elohim vertel en hy het dit verwerp as gevolg van self (trots) en gebrek aan begrip. Vanuit ervarings wat ek gehad het, twyfel ek sterk of hy Yeshua ooit korrek gehoor het. Ek het dit baie gesien by mense in wie Yeshua openbaar het dat hulle 'n hoogmoedige gees het. Dit is daardie duisternis geproduseer in die water deur Python, wanneer hy in beheer is, waardeur mense nie kan sien nie.

## Die Tuin

Soos ek onthul het, het Elohim my visueel teruggeneem na die Tuin van Eden. Die Satan het trots ingebring deur die verstand te bedrieg. Hy kon op daardie manier heers en doen dit sedertdien steeds. Elohim het op **15 Desember 2008** vir my gewys dat Python ontsaglik groot is, te groot om te kan beskryf. Hierdie grootte was ook bevestig in die *Howe van die Hemel* getuienis. Vanuit hierdie ervaring sien ek hoe genade en goedertierenheid ver bokant enigiemand se begrip is.

Ek sal nooit die dag vergeet nie toe Elohim vir my gesê het: “**Nie al jou gedagtes is jou eie nie.**” Ek het geen idee gehad van die breedte, die lengte, die diepte en die hoogte van wat Hy pas gesê het nie. Die wyse waarop die toneel voorgestel was toe Yeshua my teruggeneem het na die *Tuin van Eden* het beslis aan daardie vier dinge geraak, maar tog kan ek dit nie verduidelik nie.

**2 Kor 11:3** Maar ek vrees dat, net soos die slang Eva deur sy listigheid bedrieg het, julle sinne so miskien bedorwe kan raak, vervreemd van die opregtheid teenoor Christus.

*(ILB But I fear, lest by any means, as the serpent deceived Eve through his craftiness, so your thoughts should be corrupted from the purity which is due Christ.)*

Hier praat Paulus van die suiwerheid van “denke” wat Yeshua toekom. Selfs 'n onbewustelike trotse, hoogmoedige gedagte is nie van Yeshua nie, maar van die vyand.

Die 41ste hoofstuk van Job gaan oor al die “kante van Satan”, deur die prehistoriese Leviatan te gebruik as iets wat Job mee kon vereenselwig. Die hoofstuk skets ‘n uitstekende prent van Satan en in die laaste vers sê dit:

**Job 41:34** Hy kyk alles aan wat hoog is; hy is koning oor al die trotse roofdiere. (**Foutief vertaal**)

**ILB** *He (Satan) beholds all high things: he is king over all the sons of pride.*

Is dit moontlik dat Elohim hier praat van die fisiese dier Leviatan? Nee! Geen soort van enige fisiese dier op aarde kan koning wees oor enige van die trots wat in die mens gevind word nie. Maar die Satan kan en hy is koning oor die seuns van trots. “Koning” beteken hy heers, natuurlik sonder dat die seuns daarvan weet. Die seuns van Elohim is veronderstel om die Koning van die Konings te dien. As hulle in trots verval (hoogmoed/Python) dien hulle inderwaarheid die koning van trots, die Satan. **Dis moontlik** om Yeshua een oomblik te dien en die “Koning van Trots” die volgende deur ons gedagtes en aksies.

Die oumas waarna verwys word in die *Howe van die Hemel* artikel het in “Trots” (‘n godsdienstige gees) verval as gevolg van hulle valse oortuigings oor Elohim. Hulle het inderwaarheid vir Elohim beskuldig van iets wat Hy nie gedoen het nie. Hulle het dit nie geweet nie, maar onkunde kanselleer nie wat gebeur nie. Kyk wat daardie dinge gedoen het aan hulle kleindogter op ‘n baie jong ouderdom. Die godsdienstige, hoogmoedige gees was oorgedra. Trots is hoogmoed, kom uit self en kom uit Python. Dit het alles in die *Tuin van Eden* begin. Daar is ‘n geveg aan die gang om die verstand van mense!

## Onwaarheid, Vlekke in die Poel

Dit is baie belangrik om die vlekke in die poel te verstaan en daarvan ontslae te raak. Yeshua het jare gelede vir my gesê: **“Hoe meer gehoorsaam jy is, hoe minder toegang het die vyand tot jou verstand!”** Ek het dit nie op daardie stadium verstaan nie, maar deur die jare het Elohim ‘n prent geskilder wat ek met jou sal deel sodat jy ook kan verstaan. Let op die prent wat ek gemaak het ten opsigte van die *Howe van die Hemel* en Python wat in die poel wil inkom, **by daardie donker vlek** wat oorgebly het.



Dit is waarom ons moet ontslae raak van al die donker vlekke in ons verstand, in ons hele wese. Yeshua het gesê:

### Lukas 11:36

*As jou hele liggaam dan verlig is en nie enige deel het wat donker is nie, sal dit heeltemal verlig wees, net soos wanneer die lamp met sy skynsel jou verlig.*

Ek het getuig van hoe ek bevry is van die gees van woede. Nou gaan ons daarna kyk vanuit 'n dieper perspektief. Ek het hierdie insident nie in die oorspronklike artikel gerapporteer nie, **maar dit is wanneer die werklike bevryding plaasgevind het.**

### Oorsig:

Tydens die bevryding het Yeshua vir my gesê dat ek 'n diep saad van woede teen die "liggaam van die Messias" het, dat dit 'n gees was! Dit is omdat ek geleer het dat die kerk oor die algemeen nie verstaan hoe redding tot die ewige lewe plaasvind nie. Ek het vasgestel dat my gesin danksy dit nie gered was nie. Ek het kwaad geword en soos Yeshua gesê het, was ek kwaad vir die "liggaam van die Messias".

### Die insident:

In die ervaring (oor 'n periode van verskeie ure) het ek Yeshua geantwoord: "Ek het die reg om kwaad te wees." Yeshua het geantwoord: **"Jy het hulle op 'n verhoog geplaas."** Met daardie inligting het die woede padgegee.

Hoekom het die woede op daardie spesifieke plek padgegee? Omdat ek die waarheid wat Elohim verskaf het, aanvaar het, "n saak van die Gees." Ek het daardie waarheid toegelaat om "Ek het die reg om kwaad te wees" te vervang, wat Elohim openbaar het 'n onwaarheid in die situasie was. Hierdie is 'n eenvoudige prent van 'n baie belangrike patroon in bevryding: waarheid wat boosheid verplaas. Ons moet ook verstaan dat die gedagtes of woorde: "Ek het die reg om kwaad te wees", van die gees van woede binne-in my afkomstig was. Hulle het ingekom en 'n deel van my geword as gevolg van die situasie. **Ek het hulle as waarheid aanvaar** maar hul was nie waarheid nie.



(Dieselfde ding het in die Tuin gebeur.) Hierdie woorde was nie vir my tot lewe nie, maar van die vyand, wat daardie gees plek gegee het om deur my te opereer. Yeshua het gesê:

Johannes 6:63 *Dit is die Gees wat lewend maak, die vlees is van geen nut nie; die woorde wat Ek tot julle spreek, is gees en is lewe.*

In die getuienis van my bevryding van vrees het ek onthul dat daar sekere gedagtes (woorde) was wat my verlaat het. Hulle was van die Gees van Vrees. Ons sien dat sekere geeste gedagtes is agter onwaar woorde, wat oor enige onderwerp kan handel.

Het ek die waarheid verwerp en vasgehou aan “Ek het die reg om kwaad te wees”, sou ek daardie woorde my troeteldier gemaak het. Ek sou steeds daardie “gees van woede” in my gehad het en dit kon enige tyd opstaan wanneer dit wou. (Ek sou die gees van woede die wettige reg gegee het om in my lewe te opereer!)

Deur dus die waarheid: “’n saak van die Gees”, te aanvaar, het ek ‘n “saak van die Gees” nagevolg wat my lewe gegee het, soos hieronder beskryf.

**Romeine 8:4-6** *sodat die reg van die wet vervul kon word in ons wat nie na die vlees wandel nie, maar na die Gees. Want die wat vleeslik is, bedink vleeslike dinge, maar die wat geestelik is, geestelike dinge. Want wat die vlees bedink, is die dood, maar wat die Gees bedink, is lewe en vrede,*

Elohim het gesê: “Troeteldiere sal ‘n persoon van die nou weg **afhaal!**” Ek het dit oor en oor gesien gebeur. Sulke mense sal nooit hand aan hand met Yeshua wandel soos Hy begeer nie. Verwerp die “sake van die Gees” en jy sal jouself in hierdie posisie bevind, onbewustelik. Diep binne mag jy egter weet iets is verkeerd. Gehoorzaamheid is die sleutel as jy jouself in hierdie posisie bevind.

‘n Voorstelling:


Jare gelede het Yeshua my na ‘n apostel toe gestuur. Ek onthou nie al die detail van wat gesê was nie, maar daar is sekere dinge wat belangrik is vir ons om te verstaan. Hierdie apostel het die “sake van die Gees” verwerp en was eenvoudig gestel, ongehoorsaam aan Yeshua. Toe ek gegaan het om hom te sien het ek nie geweet van enige spesifieke boodskap wat ek moes gee nie. Ek het na hom geluister terwyl hy verduidelik het dat die hemel toegesluit was vir hom, dat hy Elohim nie kon hoor nie.

Ek het begin om 'n paar dinge met hom te deel en hy het my gestop en gesê dat hy Elohim kon hoor en dat hy nie nodig gehad het dat ek vir hom sê wat om te doen nie. Ek het gedink dit was eienaardig, want een oomblik vertel hy my hoe die hemel vir hom toegesluit is en dan sê hy vir my hoe hy vir Elohim kan hoor. Ek begryp nou dat hy vol “self” was.

Yeshua het met my gedeel aangaande hierdie gebeurtenis. Hy het openbaar dat Hy profete stuur om boodskappe aan die ongehoorsames te gee en dat as hierdie apostel aan Hom gehoorsaam wou wees, sou dit die hemel weer vir hom ontsluit. Dit verwys terug na waar Yeshua gesê het: **“Hoe gehoorsamer jy is, hoe minder toegang het die vyand tot jou verstand!”**

Gehoorsaamheid verower die vyand; ongehoorsaamheid help hom. Ek het niks van Python geweet op daardie stadium nie; maar dit is duidelik dat ongehoorsaamheid, gebrek aan begrip en onwaarheid die vyand beheer gegee het oor sy verstand. Dus sien ons die erns daarvan om 'n ware profeet se boodskap te ontvang en **deur gehoorsaamheid** aan Yeshua, die patroon te breek wat reeds in 'n persoon se lewe bestaan. Een gehoorsame aksie begin die proses.

Hoe **ongehoorsamer** 'n persoon is, hoe meer toegang het die vyand tot hulle verstand. Dit kan wees soos 'n sneeubal wat groei sodra dit begin rol. Elohim het die waarheid hiervan gedemonstreer. 'n Persoon wat deur Python beheer word, het baie donker vlekke in hulle verstand, hulle ‘poel water’. Hierdie donker vlekke beheer die persoon se denke in sekere areas van hulle lewens. Dit bring ons by hoekom Yeshua gesê het: **“Dit verg 'n vloeiagram om van Python bevry te word.”** Yeshua het in werklikheid gesê: “Dit verg die ‘sake van die Gees’” (Hom) om van Python bevry te word, aangesien 'n Vloeiagram juis dit behels. Een rede waarom Yeshua gesê het “vloeiagram”, is omdat dit die meganika bevat om Geestelik met geestelik te vergelyk, reël op reël, wat nodig is om Sy gedagtes op party sake te ken. Yeshua het inderwaarheid vir my van woede bevry deur meer as een waarheid teenoor my te uiter en dit was 'n vloei. Waarheid bevry en die “sake van die Gees” wat met die *Rivier van Lewe* afkom is waarheid.



Onthou, terwyl Elohim my geleer het, was alles wat ek met die *Rivier van Lewe* sien afkom het, meganies, twee of meer dinge wat saamwerk. Dis die rede vir 'n Vloeidiagram mentaliteit wanneer 'n rekord van die "sake van die Gees" gelees word.

'n Persoon kan enige hoeveelheid onwaarhede of donker vlekke in hulle denke hê. Hierdie behoort een vir een hanteer te word. Elke keer wat 'n onwaarheid met die waarheid vervang word, sal die persoon meer bevry word. Dit is wat gebeur het met die persoon in die howe van die hemel; sy kon duideliker sien soos wat die onwaarhede een vir een verdwyn het; soos elke donker vlek verdwyn sal die persoon meer en meer waarheid sien.

Ons moet verstaan in die bogaande voorstelling van die vier vlekke dat daardie vlekke die persoon se gedagtegang affekteer. Hulle affekteer besluite en die vermoë om te dink. Hulle veroorsaak dat gevolgtrekkings nie waarheid is nie, maar 'n vertakking daarvan. Dit het ook met Eva in die tuin gebeur.

As ons vlekke van enige soort het is ons nie werklik geskik vir die meester se gebruik nie!

**II Timotheus 2:20-21** *Maar in 'n groot huis is daar nie alleen voorwerpe van goud en silwer nie, maar ook van hout en erdewerk; en sommige tot eer, maar ander tot oneer. As iemand hom dus hiervan deeglik reinig, sal hy 'n voorwerp tot eer wees, geheilig en bruikbaar vir Yeshua, toeberei vir elke goeie werk.*

Omdat ek die gees van woede in my gehad het, was ek nie geskik vir Yeshua se gebruik nie. Die boodskap aan die persoon, deur Elohim vir my gegee, was korrek, maar deur 'n gees van woede. Woede was op die mense losgelaat, wat nie van Elohim was nie. Dit het 'n verwoestende effek gehad. Ek was nie 'n voorwerp van goud of silwer nie en dus nie *toeberei vir elke goeie werk* nie. Die boodskap wat Yeshua vir die persoon gehad het was waar, maar Yeshua was nie geëer nie danksy die donker vlek in my liggaam.

Lukas 11:36 *As jou hele liggaam dan verlig is en nie enige deel het wat donker is nie, sal dit heeltemal verlig wees, net soos wanneer die lamp met sy skynsel jou verlig.*

Nog 'n voorbeeld oor hierdie onderwerp: Hier is 'n persoon met een vlek van onwaarheid. Dit is 'n vlek wat deur Python daar gestel is, byvoorbeeld 'n valse doktrine. Dit kan 'n groot vlek of verskeie klein vlekke wees, Python sal 'n geleentheid soek om in te seil. Yeshua het hierdie vir ons om 'n rede gewys.




Vanuit die prent sien ons hoe Python nie in beheer van die persoon se lewe is nie, maar lê en wag om in te kom as gevolg van die vlek wat bestaan. Onthou, in die Howe van die Hemel toneel was daar 'n keer wat Python uit die poel was en ingekyk het, maar nie in 'n beherende posisie nie. Dit geld hier ook. Die persoon kan waarskynlik baie dinge duidelik sien behalwe vir hierdie spesifieke area wat deur die vlek voorgestel word. As die onderwerp opduik en die persoon neem aan 'n gesprek deel, maak dit die vlek oop en Python seil in en begin om deur die persoon te werk, bewustelik of onbewustelik vir die persoon. Ek het dit gesien gebeur.

Daar is 'n miskonsepsie onder Yeshua se kinders waar die persoon sê: "Wel, as dit van die vyand was, was alles wat ek nog ooit gehoor het van die vyand gewees!" Dit is nie waar nie en is 'n taktiek van die vyand. Hierdie persoon het Elohim gehoor en het die vyand gehoor, maar ken nie die verskil nie. Onthou, Yeshua het gesê: **Julle ken My stem, maar julle ken nie die vyand se stem nie.**" Dit is 'n aangeleerde ding, nie outomaties nie. As Yeshua dus openbaar dat Python in 'n persoon aktief is, beteken dit nie dat hy/sy Elohim nie gehoor het nie. Inteendeel, Elohim is gehoor, die persoon weet net nie van die vyand se stem in sy/haar lewe nie. Dit is niks om oor skaam te wees nie, aangesien Yeshua gesê het dat Python almal geaffekteer het. Sommige natuurlik meer as ander.

Dit is alles genoeg rede vir mense om na hulle Vloeidiagramme te hardloop soos Yeshua aangedui het, omdat die Heilige Gees donker vlekke deur die "sake van die Gees" sal openbaar in enige spesifieke persoon. 'n Korporatiewe Vloeidiagram kan inderdaad waarheid van onwaarheid vir enige gegewe persoon skei. Ek vertel al jare vir mense dat die Heilige Gees dit openbaar wat jy nie oor jouself weet nie, iets wat Yeshua verwyder wil hê.



Dit is die gedagtes van die Messias; die vyand het niks aan Hom gehad nie. Hy was altyd gehoorsaam en het die vyand geen toegang tot Sy verstand gegee nie! Ons moet soos Hy wees en opgroei in Hom in. Dis vir Hom wat ons dit behoort te doen! Hy soek skoon kruike van Goud en Silwer om met Hom te wandel en om Sy Vleklose Bruid op aarde te wees!



## **“Dit Verg ‘n Vloeidiagram om Ontslae te Raak van Python!”**

**Ek moes ontwaak tot iets groots!**

**Vloeidiagram Mekanika**

**Jy behoort ‘n Python e-pos te herken aan die struktuur.**

Yeshua het gesê: “Dit verg ‘n vloeidiagram om ontslae te raak van Python!” Hierdie het gekom nadat ek gesien het hoe ‘n persoon weier om die instruksies te volg wat Yeshua deur hulle vloeidiagram gegee het. Ek het geweet die persoon was in die moeilikheid toe dit kom by die ontslae raak van Python, wat hulle erken het dat hulle gehad het. Daarom sal ek in hierdie artikel ‘n paar aspekte bespreek van hoekom Yeshua gesê het: “Dit verg ‘n vloeidiagram om ontslae te raak van Python!” Dit het alles te make met die wetlike aspek wat in die *Howe van die Hemel* artikel openbaar is. Laat die Heilige Gees vir jou ‘n prent teken!

As jy die *Howe van die Hemel* gelees het, sal jy begryp hoe belangrik die verwydering van hierdie **donker vlekke** van jouself af is. Dié vlekke kan wissel van valse doktrines, onwaarhede in verhoudings met ander mense, onwaarhede waarvoor mense Elohim blameer, ensovoorts. Ek het meer as een persoon gehad met die Pythongees wat vir my gesê het hulle hoor twee verskillende stemme. Dit verg ‘n vloeidiagram om reg te verdeel, die twee stemme te identifiseer en die persoon ten volle te help bevry. Dit beteken egter nie dat ‘n persoon met Python twee stemme sal identifiseer nie.

Verstaan asseblief dat **een donker vlek op enige enkele onderwerp** die Python kan toelaat om 'n persoon, sy mond, of sy houding oor te neem, as daardie onderwerp ter sprake kom. Ons het dit sien gebeur in 'n byeenkoms en Elohim het duidelike bewyse in die vloeiagram gegee dat dit gebeur het sodat ons sou verstaan.



Dit is wat in die *Howe van die Hemel* artikel beskryf is waar Python terug kon spring in die **donker vlek** in die hoek van die poel. Die persoon het nie van die donker vlek ontslae geraak nie, al het Python die poel verlaat danksy al die ander vlekke wat weg was.

Die eerste voorstel wat ek hier gaan maak, is dat ons Python uitwerp en hom laat padgee, maar hy kan weer insluip as ons nie ontslae geraak het van alle donker onwaarhede in ons nie.

Jare gelede het ek Python beveel om uit 'n man te kom wat heel aan die ander kant van die land was. Ek was skielik kwaad oor wat die gees in hierdie man se gesin gedoen het. Ongetwyfeld was dit heilige toorn wat opgestaan het, omdat Elohim my iets wou leer. (Ek het dit een maal tevore ervaar.) Ek het ongeveer drie dae later met die man gepraat en ek het geweet die gees was weg. Die man se stemtoon was anders as wat ek ooit vantevore by hom gehoor het. Ek het gepraat met die regte man sonder Python se invloed en dit was 'n plesier. Hy het ook geweet dat hy bevry was en ons het gejuig hier by Take His Heart.

Ek dink dit was omtrent ses maande later wat ek weer met die man gepraat het en geweet het Python was terug en dit was merkbaar erger as vantevore. Ek het geweet dat ek besig was om te ervaar wat Yeshua gesê het van iemand se huis wat skoon en versier is (opgetooi in detail, veral met onwaarheid...) en die geeste het teruggekome.

**Mattheus 12:43-45** *En wanneer die onreine gees uit die mens uitgegaan het, gaan hy deur waterlose plekke en soek rus en vind dit nie. Dan sê hy: Ek sal teruggaan na my huis waar ek uitgegaan het. En hy kom en vind dit leeg, uitgeveeg en versier. Dan gaan hy en neem sewe ander geeste slegter as hy self met hom saam, en hulle kom in en woon daar; en en die laaste van daardie mens word erger as die eerste. Só sal dit ook wees met hierdie bese geslag.*

Ek het geweet dat die man nie ontslae geraak het van die duisternis in homself waarin Python voorheen geleef het voor dit uitgedryf was nie.

Voor my was 'n fisiese voorbeeld van om nie ontslae te raak van die donker vlekke nie, die onwaarhede, soos openbaar in die *Howe van die Hemel* artikel. Yeshua het gesê 'n sterk man moet eers gebind word voordat sy goed geroof en sy huis geplunder kan word.

**Matthew 12:29** *Of hoe kan iemand in die huis van 'n sterk man ingaan en sy goed roof, as hy nie eers die sterk man geboei het nie? En dan sal hy sy huis beroof.*

Wel, Python se goed en sy huis is die onwaarhede – die donker vlekke in mense se lewens. Python se goed en huis moet vernietig word deur dit met waarheid te vervang. Ek het op 'n mooi manier met hierdie man gepraat oor die ontslae raak van die drie vlekke, sowel as ander onwaarhede in sy lewe, maar hy het geen aandag aan my gegee nie. As ek dit nou moes oordoen sou dit nie weer op 'n sagte manier wees nie, as gevolg van wat Yeshua sedertdien openbaar en demonstreer het!

Yeshua was nie klaar met hierdie toneel wat voor my verskyn het nie. Alle geeste leef in onwaarhede (ongoddelike dinge) in ons, as hulle in ons is. Hierdie vlekke of onwaarhede, insluitend onvergewensgesindheid, is gewettigde toegang en habitat vir bese geeste. Hierdie is alles 'n **wetlike saak** in die geesteryk. As jy kyk na my eie bevryding van vrees en woede kan jy sien dat die onwaarheid deur waarheid vervang was. Sommige van daardie waarheid was deur Yeshua Homself openbaar (vloeiagram).

Ek het begin sien dat as ons ontslae raak van die onwaarhede (die vlekke) in ons, raak ons ontslae van die plek (die habitat) waar 'n gees kan woon en daardeur die vermoë het om enige tyd uit te bars. Het die man waaruit ek Python gedryf het ontslae geraak van die vlekke deur die onwaarheid met waarheid te vervang, sou die Python gees nie Sy huis leeg gevind het nie (versier en getooi met onwaarheid). Dus sou geen habitat vir die gees beskikbaar gewees het om terug te kom en ander geeste saam te bring nie.

Ons praat van 'n **bevryding wat voortduur**, nie net vir 'n rukkie nie. Dus, om mee te begin, werp ons nie meer Python uit nie, maar breek net sy mag (deur hom te bind). Dan soos die waarhede die onwaarhede vervang, gee die gees pad omdat dit nie kan bestaan in suiwer waarheid nie. Dit moet duisternis hê. Dit beteken nie dat Yeshua nie dalk op een of ander stadium opdrag kan gee dat die gees uitgedryf word in sekere gevalle nie. Dit gaan altyd oor gehoorsaamheid aan Yeshua se instruksies.

Hierdie tweede prent het te make met die feit dat as ons van die vlekke ontslae raak, die onwaarhede, die geeste padgee sonder dat hulle uitgewerp is. Yeshua het tog gesê: “En julle sal die waarheid ken, en die waarheid sal julle vrymaak.” (Johannes 8:32) Waarheid verdryf duisternis! Yeshua het gedemonstreer hoe waarheid wat onwaarheid vervang, ‘n gees dwing om pad te gee.

Byvoorbeeld: Yeshua het gesê dat Python kan leef in die drie fundamentele vlekke wat openbaar is op die Liggaam van die Messias (Sy Bruid). Hier is ‘n getuienis van Jericho Dumapias in die Fillipyne. Dit is ‘n getuienis van ‘n valse lering oor hoe om redding tot die ewige lewe te verkry. Dié valse lering is vernietig deur die waarheid van hoe redding tot die ewige lewe verkry word. Dit het veroorsaak dat ‘n gees die persoon verlaat het. Sy e-pos:

*Beste Profeet Roy,*

*Hallo, gister het een van die stigters van die groep LIVING HOPE CHRISTIAN FELLOWSHIP in Tagum Stad my saam met sy vrou besoek, met die woorde dat daar iets is wat hy benodig en iets wat hy wou weet maar dat hy nie geweet het wat dit is nie. Hy het gedink sy bediening was onvolledig. Dus toe hy tot Yeshua bid het hy Hom gevra om hom na die regte persoon te lei wat met die groep gemeenskap moes hou, want sy eie groep het reeds vir meer as 5 jaar bestaan, maar dit het gevoel asof iets kortkom. Elohim het vir hom my naam gewys, dus het die Krag van die Heilige Gees hom aangepor om my te ontmoet en toe deel hy al hierdie dinge met my.*

*Ek het die verhaal van die 15 jaar waartydens ek in Sy diens as pastoor van die denominasie Holiness Church was en valslik geglo het ek is gered, met hom gedeel. Hoe ek gevoel het dat iets verlore is, maar nie geweet het wat nie....totdat Elohim my eendag gelei het na ‘n ware profeet van Hom deur aan my ‘n boekie te stuur oor die meganika van redding waaruit dit geblyk het dat die “sê agter my aan” verlossing ons nie kan red nie omdat dit ‘n menslike formule is, ‘n menslike manier van verlossing.*

*Hy was dus geskud; hy het in sy hart gevoel dat hy die verlore waarheid waarna hy al so lank gesoek het, gevind het. Hy het geweene en Elohim gevra om hom te vergewe. Met sy stem alleen is hy nader getrek aan Elohim van ons verlossing. Hy het gesê terwyl hy Elohim gehoorsaam en persoonlik na Hom gekom het, het iets uit sy liggaam gegaan. Hy het ware vryheid gevoel en ek het aan hom gesê dit was die vals lering (onwaarheid) wat uit hom uitgegaan het. ‘n Leerstelling van die mens het die vyand geword van ware verlossing en die geestelike oë van baie verblind.*

*Toe het hy gesê hy het leiers en volgelingen en dat hy wil hê dat hulle hierdie waarheid moet hoor wat hy ontvang het, dus het ons 'n dag geskeduleer om hierdie dinge te doen.*

Jericho het 'n valse lering oorwin deur sy getuigenis, soos die Bybel openbaar, maar daardie getuigenis het waarheid bevat. Daardie waarheid het die gees uit die man uitgedryf.

Kom ons kyk weer na wat Yeshua gesê het van die sterk man se huis. Ek voeg 'n ander klem by.

Mattheus 12:29

*Of hoe kan iemand (‘n persoon) in die huis van ‘n sterk man ingaan en sy goed roof, as hy nie eers die sterk man geboei het nie? En dan sal hy (‘n persoon) sy huis beroof.*

Vanuit wat Yeshua gedemonstreer het, kan 'n persoon met waarheid die Sterk Man se huis beroof (Jericho het). Ek het gedink dit het te doen met die uitwerp van ander dinge, maar dis nie waar nie. Yeshua het niks van uitwerp gesê in enigiets hiervan nie.

'n Man het vir my gesê dat hy van Python bevry geword het deur die webwerf te lees (Take His Heart). Hy het die waarhede in homself ontvang. Dit was meer as net lees en daar was waarskynlik gebed of oorlogvoering. Mense het my vertel dat iets hulle verlaat het toe hulle hul tiende korrek begin hanteer. Hulle het 'n donker vlek verwyder, wat die gees uitgeforsê het. Ander het gesê iets het hulle verlaat toe hulle die waarheid van ewige redding ontvang het en hoe dit verkry word, soos in Jericho se getuigenis.

Alles in ag geneem, as iemand werklik die waarheid ontvang sal dit vervul wat Yeshua gesê het:

*“En julle sal die waarheid ken, en die waarheid sal julle vrymaak.”*

As gevolg van hierdie boodskap, moet ons barensnood en oorlogvoering bespreek. Hoe speel dit 'n rol in al hierdie dinge? As ons kyk na die *Howe van die Hemel* artikel, vind ons inligting dat daar baie barensnood en oorlogvoering was toe ons vir die pastoor se vrou gebid het om bevryding van Python. Wat gebeur het was dat die barensnood geboorte gegee het aan die ondervinding wat Elohim wou produseer ten opsigte van alles. Die bevryding van Python het inderwaarheid gekom uit die verwydering van die onwaarhede in die pastoor se vrou. Dit openbaar dat berou betrokke was soos sy van die onwaarhede weggedraai het.

So sien ons dat sonder die barensnood, oorlogvoering en gebed, sou die bevryding nie oopgegaan het soos gebeur het nie. Ons sien hoe dit alles saamwerk en oorlogvoering is in sommige gevalle nodig en in ander nie. Yeshua weet en **dit is hoekom ons altyd na Hom moet kyk vir instruksies.**

## **Ek moes ontwaak tot iets Groot!**

Op **10 Februarie 2010**, na ek aan hierdie artikel begin werk het, het ek 'n naggesig gehad waar 'n engel gestuur was om my met 'n veertig pond voorhamer wakker te maak. Ek sal nie in al die detail van die toneel ingaan nie, maar dit was openbaar dat die Vader Sy huis in drie dele sou verkoop. Ek het gesien dat die hele huis eindelijk klaar was en dat al die vertrekke in hout gedoen was. In die toneel het ek die rede geken hoekom mense elke afdeling sou moes koop, **wat hulle in 'n smaller lewensstyl sou laat leef.** Dit was om te oorleef deur wat oppad was. Die toneel het my ontstel, soos jy kan dink. Ek het geweet ek moes vir Yeshua wag om openbaring te gee rondom waaroor die hele toneel gegaan het. Die enigste wat ek verseker geweet het, was dat die hout bediening voorgestel het en dat ek moes wakker word. As gevolg van die vloeikaart “deur wat oppad was” het dit blykbaar te doen met wat Elohim vroeër daarvoor openbaar het.

Ek het nog 'n paar tonele oor hierdie artikel gehad totdat 'n spesifieke toneel op **15 Februarie 2010** verskyn het. In die toneel het 'n bruid my na Elohim gevolg, toe sy skielik teruggedraai het en in 'n hoer verander het. In die toneel het sy teruggegaan na waar sy vandaan kom het en ek het soontoe gegaan om haar te vind, maar kon nie. Toe ek uit die toneel kom het ek vir Yeshua gevra om my te wys hoekom ek die toneel ontvang het, dat ek geen idee gehad het waaroor dit werklik gaan nie. Yeshua het my dadelik na die eerste twee reëls van hierdie artikel geneem: Yeshua het gesê, **“Dit verg 'n vloeidiagram om ontslae te raak van Python!”** Hierdie het gekom nadat ek 'n persoon gesien weier het om te volg wat Yeshua deur hulle vloeidiagram opdrag gegee het.

Yeshua het openbaar dat hierdie persoon teruggeval het om die onderste vlek op die liggaam van Yeshua te hê omdat hulle nie die “sake van die Gees” op hulle vloeidiagram nagevolg het nie. Ek het geweet dat hierdie persoon se optrede in die werklikheid simbolies uitgebeeld was in die toneel wat die Heilige Gees my so pas gegee het. Ek het hierdie persoon gehelp met hulle vloeidiagram. Dis waarom hulle my in die toneel gevolg het.

As 'n bruid was hulle op pad na Elohim toe, maar toe word hulle 'n hoer en het weggedraai van Elohim af toe hulle geweier het om die "sake van die Gees" na te volg. Die "sake van die Gees" was leiding vir hulle lewens na volle bevryding van Python. Dit was vroeër openbaar dat hierdie persoon die "groen gestreepte" Python gehad het. Yeshua het gesê die groen Python is moeilik om te oorkom. Dis omdat dit te make het met lewe.


**Yeshua was nie klaar nie.** Hy het my herinner dat Python my ma gevat het, en dit het te doen gehad met die middelste vlek (tiendes). Ten opsigte van ewige redding, kan Python inspring by die duisternis van daardie verkeerde leringe soos hulle uitgeleef word, wat veroorsaak dat 'n persoon se gees nie wedergebore is nie. Ek het gesien hoe al daardie verkeerde patrone van dinge doen ruimte toegelaat het vir Python om in te leef. Hy het my teruggeneem na die keer toe Hy vir my gewys het hoe Python leef en floreer in die Logos Woord om mense te mislei. Ek het onthou dat Yeshua vir my gesê het dat Python almal geaffekteer het, sommige meer as ander! **Die groot omvang van dinge waartoe ek moes ontwaak het na vore begin kom.**

Toe het Yeshua die toneel opgehaal van my wat moet ontwaak tot iets groot en die Vader wat Sy huis in drie dele verkoop. **Hy het openbaar dat daardie drie dele die drie hoof vlekke op die Liggaam van Yeshua is.** Dit het skielik die hout binnekant vir my laat sin maak, omdat **al drie hoofvlekke te doen het met bediening**, inderwaarheid Yeshua se bediening op aarde! Toe was dit asof Yeshua by die trefreël uitgekom het. **Ek was beveel om die Howe van die Hemel-artikel te verbind aan die drie hoofvlekke op die Liggaam van die Messias!** Dit het my getref dat 'n persoon van Python bevry kan word, maar dit laat terugkom soos in die Howe van die Hemel artikel openbaar is, as hulle nie ontslae geraak het van die drie vlekke en die vlekke weghou nie. Ek het onthou dat ek in die verlede vir mense gesê dat as hulle van die drie vlekke ontslae raak, sou dit met hulle bevryding help. Maar ek het dit nooit so prontuit gestel soos Yeshua dit so pas aan my gedoen het nie. Ons het verslae gehad van mense wat gesê het dat toe hulle hul tiendes korrek begin hanteer het, het hulle begin bevryding ontvang van dinge. Nou het ek duideliker gesien wat dit was en waartoe ek moes ontwaak. Om enige van die hoofvlekke op die Liggaam van die Messias te hê, gee Python wettige toegang. Ek het ook besef dat die kleiner vlekke wat ek op die Liggaam van die Messias gesien het, nie groot genoeg is vir Python om in te gaan nie.

Onthou die prent in die *Howe van die Hemel* artikel. Die vlek moes 'n sekere grootte hê voordat Python daar kon indring.

**Maar Yeshua was steeds nie klaar**

**nie!** Op **16 Februarie 2010** het Hy vir my die toneel aan die regterkant gegee. Aan die begin van die toneel was daar onsigbare sproei wat 'n man moes gebruik om die grens te verf, verteenwoordig deur die lyn van T-vormige tekens. Ek het nie die wydte van die sproei oor die bokant van die



lyn van tekens uitgebeeld nie, maar dit was ongeveer 5 voet wyd. Hierdie sproei was om onkruid saad te verhoed om te ontkiem. ‘**n** **Korporatiewe Vloeidiagram doen dit**. Dit sal nie die onkruid saad verhoed om geplant te word nie, maar dit sal verhoed dat die saad ontkiem as ons die meganika van ‘n Vloeidiagram korrek bewerk en oplet. Dis die rede vir die simboliese uitbeelding van die mense se betrokkenheid ten opsigte van die sproei. Die simboliek oor die grens het te make met toe Yeshua gesê het: “**Ek gee vir jou grense sodat jy my kan vind!**” Bo-op die staal plate was wat Yeshua na verwys as “Rooi Woorde”. Hy het ons beveel om hulle te hou en hulle is ‘n opname van Sy Woorde aan Sy mense in hierdie dag, ‘n onverdeelde korporatiewe Vloeidiagram.

Ek het ‘n prent ingevoeg van een bladsy van ons rooi woorde in die prent vir jou om te sien. Die ander ding wat nie uitgebeeld is nie, is dat ek geweet het al die staal plate was vasgeheg aan die raamwerk van die aarde. Dit verwys na die volgende skrifgedeelte en wat vir my gesê is, soos openbaar in die artikel: *Ek het die Raamwerk van die Aarde Gesien*.

*Hebreërs 11: 3*

*Deur die geloof verstaan ons dat die wêreld deur die woord van Elohim toeberei is, sodat die dinge wat gesien word, nie ontstaan het uit sienlike dinge nie.*



### **Uittreksel van die skrywe:**

Jare gelede het die Heilige Gees vir my die geraamde aarde gewys. Dit was leeg behalwe vir die raam. As ons na die skrifgedeelte kyk, besef ons die raam wat ek gesien het is die woord van Elohim. Daar is vir my gesê: “**As jy op die raam loop sal jy nie val nie.**” Dit was een van die eerste aanduidings vir my van waaroor die Berg Sion alles gaan.



As ons wandel in wat Elohim bedoel het, sal ons lewe hê, anders kom dood en verwoesting van die vyand op die mensdom af. Ons het die keuse om te loop op die raam, of om ons eie ding te doen.

**Terug by die bogenoemde toneel van die Rooi Woorde**, het ek gekyk na 'n pragtige grens of rand. Die mens kon stop en dit lees, of daaroor tree sonder om enige aandag daaraan te skenk. Een van die belangrikste dinge om in hierdie toneel te besef is dat Elohim **eenvoudig** openbaar dat die hou van 'n opname van die "sake van die Gees" in 'n vloiediagram **deel is van die grense wat Hy ons gee sodat ons Hom kan vind**. Onthou, Hy het gesê: **"Ek gee vir jou grense sodat jy my kan vind!"** Ek weet nie hoeveel keer het mense vir my gesê dat hulle Elohim nader oor iets, net om terug te keer na hulle vloiediagram en te sien dat Hy reeds die antwoord gegee het nie.

Die *Rooi Woorde* wat van die raam af opkom is 'n opname van Elohim se Woorde wat in hierdie tyd gegee word, vir hierdie tyd. Onthou, Elohim het reeds openbaar dat die Goue Weg deur die middel van die *Vloiediagram* loop, deur die middel van die *Rooi Woorde*. Waar wil ons loop? Gehoorzaamheid bring beskerming en bevryding, net soos gehoorzaamheid beskerming en bevryding aan die Israel nasie gebring het toe die doodsengel Egipte besoek het.

Gaan die kerk aandag gee aan die Rooi Woorde wat van die raam af openbaar word vir die Eindtye? Moses en Joshua het ag geslaan op die Rooi Woorde in hulle dag vir Elohim se doeleindes. Hulle het geen Logos Woord gehad om te probeer volg nie! Hulle het aaneenlopende instruksies van YHWH gehad. Die Logos Woord sal nie die kerk deur dit wat oppad is neem nie, maar Yeshua sal! Die Bybel openbaar op meer as een plek dat dit nie alles daarin is nie, dat ons die "sake van die Gees" moet navolg (Romeine 8).

Dit wat Yeshua sê: **"Dit verg 'n vloiediagram om ontslae te raak van Python!"** is reusagtig. Na 'n blote kyk na Python se betrokkenheid in die skep van verskillende denominasies, is dit veilig om te sê dat die kerk in die wêreld beheer word deur mense wat meer deur Python beheer word as deur Yeshua! Dit is danksy die gebrek aan kennis ten opsigte van Python. Yeshua het vir ons gewys dat daar 'n Python is wat 'n korporatiewe liggaam omring. Dit was die blou gestreepte een. Dit het 'n vloiediagram en *Goue Byeenkomste* geverg om die "korporatiewe liggaam" as 'n "liggaam" te bevry van Python. Ons weet dit is waar, aangesien ons dit hier by *Take His Heart* in werking gesien het.

## Vloeidiagram Meganika

Ons hou al 'n rekord, 'n vloeidiagram, sedert **8 Januarie 1989**, en dit is reusagtig. Hoe groter hoe beter omdat die Heilige Gees dit sal gebruik om te openbaar en leer, soms deur 'n mens terug te neem na die inligting vir 'n groter prent. Sommige mense het gesê dis soos om die Bybel te lees. Een rede waarom 'n vloeidiagram so goed werk, is omdat dit "Geskrewe" is. Verskeie kere het Yeshua my teruggeneem na 'n woord, 'n droom, 'n visioen en ek moes dit oplees omdat ek geweet het ek kan nie al die detail onthou nie. Sonder detail sal ons soms nie die volle openbaring ontvang nie.

Elohim is die enigste een wat al die donker vlekke in ons almal ken. Ons kan hulle nooit opspoor deur ons eie leringe en intellek nie. Dit verg dat Elohim hulle openbaar en Hy doen dit hier 'n bietjie en daar 'n bietjie. Python is 'n gees met verskillende gesigte, wat baie vlekke produseer in verskillende areas. Danksy die uitgestrektheid hiervan, is Python moeilik om totaal te oorwin. (As die vyand 100 akker land beheer en ons neem 80 akker oor sonder om te weet van die oorblywende twintig, het hy steeds 'n plek om vanuit te opereer, terwyl ons daarvan onbewus is.) Hierdie uitgestrektheid van donker vlekke, glo ek, is nog 'n rede waarom Yeshua gesê het: **"Dit verg 'n vloeidiagram om ontslae te raak van Python,"** 'n sterk man. Dis inderwaarheid Yeshua wat bevry, deur die "sake van die Gees". 'n Vloeidiagram is 'n houer wat die "sake van die Gees" reg verdeel, lyn op lyn, reël op reël en sodoende die korrekte prent aan ons openbaar.

As jy Yeshua volg met 'n vloeidiagram, sal Hy jou lewe rig soos Hy nodig vind - stap vir stap, op Sy manier, op Sy tyd. **Die sleutel is om aan te hou loop met Hom en te gehoorsaam.** Ons wil nie wees soos die persoon wat verwerp het wat Yeshua in hulle vloeidiagram openbaar het nie, wat Yeshua laat sê het: **"Dit verg 'n vloeidiagram om ontslae te raak van Python."** Yeshua het openbaar dat sy gevolg het as 'n Bruid, maar in 'n hoer verander het as gevolg van haar optrede.

### Gehoorsaamheid:

'n Vloeidiagram sal ook instruksie gee oor wat moet gebeur om te bereik wat bereik moet word in die persoon. Yeshua is die bevryder en volkome bevryding vereis volkome gehoorsaamheid. Die vereisde gehoorsaamheid mag dalk nie vir die persoon sin maak nie en mag dalk nie lyk of dit te make het met die gees waarvan hulle bevry word nie.

Die man in die Bybel wat nie in die rivier wou ingaan nie het duidelik geen verband gesien tussen dit en die genesing wat hy nodig gehad het nie. **Maar kyk wat het gebeur toe hy gehoorsaam het!** Ek kan nie die erns oorbeklemtoon van om te gehoorsaam wat Yeshua ons beveel om tydens bevryding te doen nie. Dit hou verband met “geloof sonder werke is dood.”

Trots is ‘n groot eienskap ten opsigte van Python en Elohim sal ‘n persoon opdrag gee om dinge te doen wat hulle nie wil nie, ten einde hulle trots en hoogmoed af te breek. Dit kan iets wees wat ‘n persoon se alledaagse lewenswyse sal verander. Ek het opgemerk dat mense wat wetend met Python sit en weier om hulle vloei-diagram inligting te volg, nie bevry word nie. Om ten volle van Python bevry te word verg stappe en dit is nog ‘n rede vir **“Dit verg ‘n vloei-diagram om ontslae te raak van Python.”** ‘n Vloei-diagram werk die beste wanneer dit deurlopend is.

Yeshua het gesê Hy is waarheid, Hy is Lig. Yeshua stuur inligting met die Rivier van Lewe na ons toe af en dit is Lig, Sy Lig. Die vloei-diagram hou rekord van die Lig en die duisternis as Python opereer. Maar met die verloop van tyd oorwin of vlek die Lig die duisternis oop, soos deur die vloei-diagram openbaar.

Die persoon wat in die eerste twee reëls van hierdie artikel bekendgemaak is, wat Yeshua nie wou gehoorsaam nie, was iets belangrik gegee om te doen. Dit was iets waarvoor Yeshua vir hulle ‘n weg berei het om te doen en dit sou gewerk het op hoogmoed as hulle gehoorsaam was. Dit sou hulle lewensstyl verander het en hulle gereed gemaak het vir Yeshua om die volgende stap te openbaar, maar hoogmoed het gewen. Yeshua het gesê: **“Hoogmoed hou van hoogmoed!”** Dit het duidelik geword in hierdie situasie. Terug in die afdeling oor hoogmoed (bl. 24) sien ons dat Yeshua toe reeds aan my openbaar het dat dit tyd sal neem om hoogmoed los te maak. Nou weet ek ‘n vloei-diagram is nodig.

## **Jy Behoort ‘n Python E-pos te Herken Aan die Struktuur.**

In ‘n droom op **5 November 2008** het ek gekyk na ‘n e-pos en was gesê: **“Jy behoort ‘n Python e-pos te herken aan die struktuur.”** Ek het wakker geword. Toe ek na die e-pos gekyk het in die toneel het ek geen woorde gesien nie, maar skaduagtige dele wat die struktuur verteenwoordig het. Later daardie dag het ek begin kyk na regte e-posse, in ‘n poging om die struktuur te sien, selfs daardie waarby ek geweet het Python betrokke was as gevolg van die inhoud.

Ek kon nie begryp waarvan Yeshua gepraat het nie. Tyd het verloop en ek het met ander dinge aangegaan.

Skielik eendag nadat ek van 'n naggestig wakkergeword het, het die Heilige Gees e-posse met my opgeneem. Dit was 'n dowwe beeld en ek het nog gesukkel om dit te onderskei toe dit net verdwyn het. Die drie of meer e-posse wat ek in die toneel gesien het, het geen woorde gehad nie, maar skaduagtige dele met 'n paar verskillende horisontale kleure. (Hierdie het dit verbind aan die toneel van **5 November 2008** in die vloeiagram.) Een e-pos was langer, maar die res was omtrent 12 sentimeter lank. Die langer een het gelyk of dit vir my uitstaan en ek het eindelijk onthou dat Yeshua vir my gesê het ek behoort 'n Python e-pos aan die struktuur te herken.

Die langer e-pos se struktuur in die toneel het my herinner aan 'n e-pos wat ek nie lank vantevore ontvang het nie. Ek het geweet vanuit die inhoud dat dit van Python se invloed bevat het. Later het ek die e-pos gevind en dit begin lees. Ek het nie ver gelees voor ek die struktuur gesien het nie. Ek was geskok om dit te sien. Ek het dadelik 'n flits van die kort e-posse in die toneel gesien en in my verstand het ek gesien hoe hulle pas, in struktuur, by die baie e-posse wat ek oor die jare ontvang het met Python se invloed. Ek het gedink: "Sjoe, ek sien nog 'n manier om Python te identifiseer buiten die inhoud. Die twee saam sal Python se invloed bevestig. Dankie Yeshua!"

Ek wil jou herinner dat ons 'n gees ontbloom en dit gaan nie oor mense nie. Die simboliek van Python sal hier na vore kom en 'n prent voorstel sodat ons onself kan ondersoek en die eienskappe van Python kan herken. Ek sal praat oor meer as net die openbaarde struktuur.

Ek kry heelwat geldige vrae van mense wat die webwerf lees. Een ding wat ek in die struktuur van die Python e-posse gesien het is dat daar 'n vraag kan wees, of hulle sal sê hulle het 'n vraag, net om Python te laat woorde spoeg, gewoonlik skrif, om sy eie oogpunt voor te stel voor die vraag ooit gevra kan word. Toe ek dit die eerste keer gesien het, het ek gedink: "Python kan nie sy tong in toom hou nie." Kon dit simbolies korrek wees? Ek het dit op die internet opgesoek en oor die algemeen het slange hulle tonge meeste van die tyd uit. Hulle gebruik hulle tonge om inligting bymekaar te maak, om die liggaamshitte van ander diere op te tel, ens. Die mannetjies gebruik hulle tonge as deel van die paringsritueel.

Kortliks, hulle kan nie hulle tonge weerhou daarvan om te werk nie. Ek veronderstel teoreties, as 'n slang in sy natuurlike habitat sy tong in sy bek moes hou, sou dit doodgaan, omdat dit nie sy prooi sal kan opspoor nie.

Ek gebruik die woord “spoeg” en ek het dit vir 'n geruime tyd gebruik omdat dit die enigste woord geword het wat pas by wat uit Python na vore kom. Uit nuuskierigheid het ek besluit om slang en “spoeg” by 'n soekenjin in te tik om te sien wat uitkom. Dit het gepraat van slange wat gif “spoeg”. Spoeg is die woord wat mense gebruik om die gebeurtenis te beskryf. Ek het gedink: “Geen wonder dis die woord wat op die ou end die toon en vloei beskryf het van wat van Python af kom nie.”

**Python is 'n aggressor** en gebruik skrifgedeeltes en gereeld baie daarvan as die persoon hoogs onder sy beheer is. Onthou Yeshua het gesê Python leef in die Logos! Hy kan dit doen omdat ons nie Elohim se gedagtes geken het agter wat Hy sê nie. Om te illustreer, kom ons kyk na die Bybel as Logos. In die tuin was Satan die aggressor, verwysend na iets wat Elohim tevore gesê het. Hy het die betekenis verdraai en vir Eva mislei. Toe die Satan vir Yeshua versoek het **was hy die aggressor** deur middel van Logos, skrif in die verlede openbaar, om Yeshua te probeer mislei. Die rede waarom die Satan nie vir Yeshua kon mislei nie is omdat Yeshua Elohim se gedagtes (bedoeling) agter Sy woord geken het. Yeshua het nie geval vir die Satan se verdraaide weergawe nie!

Die Satan, sowel as Python, mislei steeds op hierdie wyse vandag. Beide is aggressors. Die vyand is daar elke keer as iemand Elohim hoor (sien die gelykenis van die saaiër). Enigiets om te verwar en verdraai wat openbaar was. Ek ken persone vir wie mense 'n ‘woord’ van Yeshua gegee het en wat baie verward geraak het, want een woord het gelui dat hulle iets moes doen en die ander om dit nie te doen nie! Hierdie tipe ding gaan al vir baie jare aan tussen gelowiges. Sommige mense ontvang 'n woord van self-aangestelde profete, deur e-pos. Python is dan bloot besig om aggressief te wees. Mense wat geld vra vir ‘woorde’ en bediening, kwansuis verbind aan die Heilige Gees, is in vir 'n verrassing! Python is slinks en gebruik Skrif om dit goed te laat lyk. As Yeshua gesê het: **“Python heers in My kerk!”** Wat is die antwoord om die verwarring te elimineer? Opnames – vloeiagram – soos Yeshua openbaar het.

‘n Onlangse nag visioen het te doen met wat ek voorstel. Ek het vir mense gewys hoe om goggas uit hulle huis te hou. Hierdie was ongemeubileerde huise. Dit was ‘n baie lang toneel en ek het gespuit al met die penne langs in wat die muur sou wees om goggas te voorkom. Dit was omtrent ‘n twee voet wydte van die vloer af. Ek het met die mense gepraat soos ek beweeg het. Toe het die area, die penne en die buitemuur, blou geword (wat te make het met die blou gestreepte Python). Ek het aangehou om die blou area te spuit en aan die mense verduidelik soos ek voortgegaan het. Die toneel het geëindig.



**Spuitgoed**

## *Python! Die Tweede Rondte.*

Yeshua het my op 10 Julie 2015 aangesê om meer oor die Pythongees te skryf. Op bl. 16 oor die **Vier Gesigte-Manifestasies van Python**, was profeties openbaar dat ek as kind en as volwasse man Python sou teekom. Kyk ek terug, is dit maklik om te sien ek was as kind en as volwassene in ‘n opleidingsfase. Vader was besig om my deur dit te vat, of ek wou of nie, want dit was nodig vir begrip in toekomstige ontmoetings. Per slot van rekening praat ons van nie-infiltrasie in dit waarmee YHWH besig is.

Die ontmoeting as ‘n volwassene met Python het begin in die lente van 2014. Python was daarop uit om dit wat YHWH opgerig en as korrek gedemonstreer het aangaande die Vlekvrye Bruid, te vernietig. Basies het Yeshua my aanhou sê om die Bruid te beskerm en Hy het ook die Bruid aangesê om die Manlike Kind te beskerm. Nou mag mens vra hoe het Python daarin geslaag om in te dring? Laat ons kyk na wat ek geskryf het oor my ervaring as ‘n kind met Python (bl. 16), opskrif: *Vier Gesigte-Manifestasie van Python*.

Let daarop dat Python reeds weet waarheen ons op pad is en gereed is om te keer dat ons daardie stappe neem wat Elohim wil hê ons moet neem. Hy is teenwoordig om te keer dat ons die “dinge van die Gees” navorolg, soos in Rom. 8 openbaar. **Hy sal ons vleeslike liefde vir ander gebruik om ons te verhinder, net soos hy Petrus se liefde vir Yeshua gebruik het, sodat Yeshua hom moes berispe.**

Ons moet begryp dat Yeshua besig was om aan die dissipels die regeringsaksies van Elohim te openbaar. Vader se regering kom nou met die Rivier van Lewe af (van Yeshua se skouers af) na ons toe. En glo my, Python is daar by ons wanneer ons daardie inligting ontvang, om ons van die spoor af weg te lei deur gedagtes, ons onverskilligheid oor wat Vader doen, ons liefde vir mense en ons eie lewens.

Python se aanval, my tweede belewenis, was om te vernietig, of ten minste te verwing wat Vader gevestig en gedemonstreer het as die waarheid oor die Getroude Bruid se aksies. Elohim se gevestigde posisies word aangeval. (Satan vrees die ware Getroude Bruid!) Onthou, dit is 'n gees, nie die persoon!

Ek moes Python gesien werk het, lank voordat ek het. My fout was as gevolg van vleeslike liefde, soos hierbo in vet letters aangedui. Daardie liefde laat ons ook dinge miskyk wat ons nie behoort nie. Ek was stil toe ek nie moes gewees het nie en sommige ander was stil toe hulle nie moes gewees het nie. Sommige van ons was ongehoorsaam aan Elohim en het nie die “sake van die Gees” openbaar soos ons moes gedoen het nie. Yeshua het ons gewaarsku om op die uitkyk te wees, maar ek het gereken dit sou van buite kom, nie van binne nie.

### *Beligting van die Funksies en Meganika van Python:*

**Vanaf bl. 2...** Die slang het reguit gelê, met sy kop opgelig en ons kon sien tot in die leë skedel. Ek het iets wits in my regterhand gehad wat lig voortbring het. Ek het nader gestap en doelbewus, met 'n bietjie vrees, die lig deur die regter oogkas van die slang gestamp, as plasing van lig binne die skedel. Ek het my hand onttrek en 'n ontsaglike lig het nou van uit die skedel geskyn.



Die mense saam met my was opgewonde oor die oorwinning en het blykbaar die glorie oor die slang se dood aan hulself toegeken. Bewus hiervan, het ek gesê: **“Lof behoort aan Elohim, hy het ons die oorwinning gegee.”** Ek het begin sing: **“Ons het die oorwinning...die hemel is aan ons kant.”** Einde van die toneel.

(Terwyl ek deur die slange gegaan het, het 'n pastoor wat aangeval was geskakel om my te waarsku teen nrs. 6 en 7 (hier onder) voordat hulle in my lewe manifesteer. Ek glo nie ek sou hulle herken het as hy my nie geskakel het nie.)

1. Python gee graag interpretasies van die Skrif, drome en vars boodskappe, i.p.v. Yeshua toe te laat om dit op Sy manier te openbaar.
2. Python verwing die Woord van Elohim, soms met die gebruik van waarheid saam met sy leuens.
3. Python kan drome, visioene en boodskappe gee, soos die Heilige Gees doen. Hy is die namaaksel van die Heilige Gees! Hy gee visioene, drome en boodskappe wat so parallel met Vader se pad loop, dat die slagoffer dalk nie sal sien hulle (drome, ens.) is eintlik van koers af nie.
4. Python veroorsaak soms aaklige drome. **Python gee gedagtes; Satan gee gedagtes, ens.**
5. Basies is Python daarop uit om te vernietig wat Vader doen, deur die lewe daaruit te pers.
6. Python sal soms dormant / verskuil bly tot die persoon waarin hy woon een of ander posisie beklee.
7. Python sal probeer oorneem deur beswadding van diegene wat deur Vader in 'n posisie van gesag geplaas is en die lering wat hulle bring.
8. Python sal iemand dryf / dwing om iets te doen, of aan te hou doen. Python beheer. Yeshua doen dit nie aan 'n persoon se verstand nie. Hy lei! Indien nodig sal hy die Jona wyse gebruik.
9. Python tree op soos 'n slang: pik gewetenloos, verniel met leuens.
10. *Python kan maklik uitgeken word as die gegewe boodskap kritiek bevat. Die kritiek kan baie subtiel wees. Yeshua sal 'n persoon korrigeer sonder dat hy/sy verniel voel. Daar is GEEN veroordeling in Yeshua nie (dit het ek in die hemel gesien).*
11. Python hou daarvan om in bidure te werk



12. Python sal iemand gedagtes en woorde gee wat, as dit geglo word, sal help om hom aktief in daardie persoon te hou.
13. Python hou daarvan om te spog oor wat hy kan doen, soms op 'n baie subtile manier. Ek het dit dikwels beleef as 'n kind en as 'n volwasse man.
14. Albei kere wat deur die profetiese Pythontoneel gegaan is, is geestesbeswering gebruik om in mense se gedagtes te laat posvat dat iets verkeerd was, alhoewel onwaar.
15. Jare gelede het 'n man wat 'n Oordeelsprofeet is, my vertel dat hy wonderwerke gedoen het onder Python se beheer. (Dit het my idee wat ek gehad het van Python se vermoëns uitgebrei.)
16. Trots is 'n faktor in byna elke mens, indien nie in elke mens wat ek ontmoet het wat Python gehad het nie.
17. Python sal 'n ooreenkoms / skikking aangaan ten einde in 'n persoon te kan bly.
18. Deur Vader se weë te ken, kan 'n faktor wees by die identifisering van die aksies van Python.
19. Python kan iemand laat dink hy is weg wanneer uitgedryf, terwyl hy net teruggetrek het. Vir volhoudende bevryding moet die onwaarheid oor 'n saak waar Python woon, vervang word met die waarheid oor die saak.
20. Vervanging van onwaarheid met waarheid sal veroorsaak dat Python padgee sonder dat hy uitgedryf is. Dit is 'n wetlike saak!
21. Python sal vleeslike liefde gebruik om **toegang te verkry** en versteek te bly. Dit is soos om betower te wees.
22. Iemand kan gered wees (wedergebore gees) en gedoop in die Heilige Gees en onbewustelik Python aktief in hulle lewens hê.
23. Iemand mag Elohim sowel as Python hoor en nie weet wie is wie nie. Ek ken etlike mense wat erken het hulle hoor twee verskillende stemme en sommige kon onderskei wie is wie. (Python sal in hierdie geval baie subtiel probeer om die persoon te oortuig dat sy stem Vader s'n is.)

## Oorlogvoering teen Python

Hier by *Take His Heart*, probeer ons om deur die Heilige Gees gelei te word wanneer ons praat van Python in mense se lewens. Ons lig die persoon normaalweg op voor Yeshua en wag vir spesifieke instruksies. Oor die algemeen begin ons deur Yeshua te loof en prys en Hom te dank dat Hy die bevryder en geneser is, ens. Ander kere doen ons dit agterna; soms voor die tyd en agterna. Die volgende is 'n voorbeeld van wat ons sê:

“In die naam van Yeshua die Messias, Python, breek ons/ek jou mag en al jou krygsbendes se mag (of ek maak jou magteloos) in\_\_\_\_\_ se lewe. Ons/ek bederf jou vrugte en vernietig jou goedere in Yeshua se naam. Dankie Yeshua, dat U toesien dat die vrugte (goedere) van Python vernietig word in\_\_\_\_\_ se verstand en lewe. Ons/ek roep waarheid na vore en verklaar dat hulle sien wat hulle nie in staat was om te kon sien nie en hoor wat hulle nie in staat was om te kon hoor nie. Ons/ek roep waarheid in hulle lewens en in die aarde in.”

Deur hierdie dinge te doen, sal dit die proses van bevryding van Python begin. Onthou, die **onwaarheid waar Python woon moet vervang word met waarheid** of Python sal terugkeer na die leë huis soos wat Yeshua openbaar het in die skrif. (Mattheus 12:43-45). Soek Yeshua altyd vir instruksies en leiding.